

*Handwritten signature*

**ΚΡΥΓΛΙΑΚΟΒ Ι. Γ.**

**ΤΟΡΓΑΝΟΜΑΝ ΚΕ Ι ΤΕΧΝΙΚΙ  
ΣΑ ΔΥΛΙΑΣ ΤΙ ΡΑΣΑΤΝΙΚΥ  
ΤΙ ΚΑΠΝΥ**

**Μετάφρασι Θ. ΓΡΙΓΟΡΙΑΔΙ**

**ΕΚΔΟΣΙ ΤΙ „ΚΟΜΥΝΙΣΤΙ“  
ΡΟΣΤΟΒ-ΔΟΝ  
1932**








ΚΡΥΓΛΙΑΚΟΒ Ι. Για.  
(Αγρονόμος)

# ΤΟΡΓΑΝΟΜΑΙ ΚΕ Ι ΤΕΧΝΙΚΗ ΣΑ ΔΥΛΙΑΣ ΤΙ ΡΑΣΑΤΝΙΚΥ ΤΙ ΚΑΠΝΥ

Μετάφρασι Θ. ΓΡΙΓΟΡΙΑΔΙ

Ιπέφθινος συντάχτις Χ. ΚΑΤΣΑΔΟΒ



---

ΕΚΔΟΣΙ ΤΙ „ΚΟΜΥΝΙΣΤΙ“  
ΡΟΣΤΟΒ-ΔΟΝ 1932



КРУГЛЯКОВ И. Я.

(Агроном)

# Об организации и технике проведения работ на табачном рассадном хозяйстве

Перевод ГРИГОРИАДИ Ф.

---

Издание „Коммунистическое“  
Ростов-Дон 1932 год.

Технический  
редактор  
Григориади Ф.

сдана в наб. 4 | III 32 г  
сдана в печ. 6 | III 32 г.



# ΠΡΟΛΟΓΟΣ

„Σο δέφτερον τιν πιατιλέτκων το κηριότερον το ζιτιμαν σαγροτικον το νικοκιρίον πρεπ να εν το ζίτιμαν τι εσοδίας“

(ασο τακλατ τι ς. Μόλοτοβ ςε XVII Πανσι-  
δεζμικον το κοματικον τιν κονφερέντζιαν

Σον Βόριον Κάφκασον ο καπνον εγέντον αίκαν φητία, ντο πιαν τρανα μασίδια χόμαν σα ιδικεθμένα τα καπνοφιτεφτικα τα σοβ-  
χόζια κε τα κολχόζια.

Το Κράινεμυν εσσ τζιπ τρανα επιτιχίας ζιν ρεκονστρώκτζιαν  
τι καπνοφιτίας.

Σο κράι οργανόθαν 6 καπνοφιτεφτικα σοβχόζια, τα οπία σα  
1932 τι χρονίας σχεδιάζνε να φητέθνε καπνον ςε έχταςιν 3125  
εχτάρια.

Ασον χρόνον ζον χρόνον περιζεθ το χόμαν ντο φητέφκετε  
καπνον σα καπνοφιτεφτικα κολχόζια τι Κράι.

Ι ταπλίτζα ντο δίγομε κιαλαφκα δικ πόζον περιζεθ το φήτεμαν  
τι καπνυ σα καπνοφιτεφτικα τα κολχόζια.

χρόνια	Το ολικον ι έχτασι ντο φη- τέφκετε καπνον ςο Κράι χορις τα σοβχόζια.	Ι έχτασι ντο φητέφκετε καπνον σα κολχόζια.	ο)ο ο)ο ςόλεν τιν έχταςιν τι καπνυ	ςιμίοσι
1928	20971 εχτ.	492 εχτ.	2,30/ο	
1929	18275 “	1380 ”	7,50/ο	
1930	23119 ”	17339 ”	75, 0/ο	
1931	34788 ”	31654 ”	91,90/ο	
1932	43315 ”	40142 ”	92,40/ο	

Για να στερεόνε οργανοτικο-νικοκιριακα τα καπνοφιτεφτικα τα  
κολχόζια, για να δυναμον κιάλο πολα το τεχνικον ι πάζατυν για  
να ανιθεν ι εμπορεματικότιτα τι κολεχτιδικυ νικοκιρι, ι παραγογικό-



τιταθε (ιεσοδία), οργανόθαν σο κράι Καπνο-εμπορεματικά φέρμας (ΚΕΦ.)

Μόνον όνταν αναπτύονταν παρακάτο κε δυναμόνε τα καπνοφιτεφτικά τα σοβχόζια κε τα κολχόζια, με βάσιν τοργάνομαν κε το νικοκριακον το δινάμομαν τι σοβχοζιον κε τι ΚΕΦ, ι πάζα πρότυ ιλικυ καπνυ θα εκσασφαλιζ ζιν εντέλιαν τανάνκας τι καπνοβιομηχανίας τεκςπορτι τι καπνυ.

Το σοβχοζο-κολχόζικον ι καπνοφιτία δι τζιπ τρανα μινκίνια να κυλανέφκυνταν ζινεντέλιαν ασόλον τα τελιοπιμένα τα προόδους ταγροτικυ τεπιστίμις κε τι αγροτεχνικις.

Εμπροστάμυν ζτέκνε τζιπ τρανα προβλίματα ντο έχνε τζιπ τρανον ζιμαζιάν: τοργανοτικο-νικοκριακον δινάμομαν τι κολχοζιον κε τι σοβχοζιον, το καλιτέρεμαν τι πιότιτας ταγροτικυ τι παραγογις, τανίβαζμαν τεσοδίας κε τι πιότιτας τι καπνυ, τι παραγογικότιτας τι δουλιás, τολιγόστεμαν τι κοστιζματι κε το περίζεμαν τι μινκινιονεμυν για τέκςπορτ.

Τζιπ τρανον ρόλον πεζ ι αγροτεχνικι για να ανιβεν ι εσοδία κε ι πιότιτα τι καπνυ.

Για να εχτελιόνταν ατα τα τρανα τα προβλίματα ζιν καπνοφιτίαν, για να εφαρμόζκυνταν πραγματικά ζιν ζοιν όλια ταγροτεχνικα τα πράβιλας, περιζέδνε πολα τα στελέχια τι δουλεφταδιον ζιν καπνοφιτίαν.

Τιν καπνοφιτίαν εκζιπιρετόνατο: μεγάλον αριθμος αγροτεχνικι δουλεφτάδες, αγρονομ, αγροτέχνικι κ.τ.λ. πριγατιρ κε πολι κολχόζνικι.

Πρεπ ζολτς ατυνυς τι δουλεφτάδες να δόχκυνταν γνόζια για τοργάνομαν κε τιν τεχνικιν πυς να εφορμόκυνταν τα κσεχοριζτα παραγογικα προτζέντια τι καπνοφιτίας.

Αύτο ι προζζύρα εςς ζκοπον να εκζιγα ζιςτιματικά κε απλα τοργάνομαν κε τιν τεχνικιν πυς να γίνταν τα δουλιás σο ρασάτνι το νικοκριόν.

Ο άφτορας εςς ομυτ, πυς αύτο ι προζζύρα θα δι κάπιον όφελος τι πραχτικυς τι δουλεφτάδας τι σοβχοζο-κολχόζικυ τι καπνο-



φιτίας, για να περισέβνε τα γνώσιατυν, να χονέβνε ταγροτεχνικα τα πράδιλας κε να εγρικυν να εφαρμόζνατα πραχτικα σο νικοκιριακον τιν απετανόφκαν.

Μόνον με θάσιν τιν εχτέλεσιν τι θ υσλόβιον τι ς. Στάλιν, μόνον όνταν καταχτα κανις τιν τεχνικιν τι καπνοφιτίας, επορι να αναπτίστε κε να πλατιν επιτιχιμένα τορθον τοργάνομαν ςα ςοσιαλιστικα τα φόρμας τι καπνοφιτεφτικυ τι νικοκιρι.

Ο άφτορας

## ΙΣΑΓΟΓΙ (ΒΒΕΤΕΝΙΕ)

Ο καπνον εν ινοσ χρονω κυλτύραν. Τον καπνον καλιεργόνατο κირίος για να πέρνε τα φίλα, ασα οπία ίστερα ασαντίστιχον το δύλεμαν ςα καπνοφάπρικασ ετιμάζνε τα προϊόντα τι καπνω: παπιρόσια, σιγάρα, καπνον.

Τα τζεσσίτια τι κίτρινω τι καπνω έφερανατα ςεμασ ασιν Τυρκίαν κε σιχνα ονομάζνατα τυρκικον καπνον.

Το τυρκικον ο καπνον, κατα κε τιν καταγογίναθε, εν φιτον ντο φιτρον ςα ζεστα τα μεμλεκέτια. Εν όποσ λέγνε φιτον ντο γίνετε ςα νότια τα κλίματα κε γιατατο, για να εφτάνε σιν εντέλιαν τα φίλαθε χριάσσκετε θ μίνας ζεστον κερσ, ονταν σπίρχετε κατεφθίαν σο χόμαν.

Γιατατο, ςα υσλόβιασ τεμέτερον τι κραι, πρεπ τα καπνόσπορα να σπίρχονταν ςα παρνίχια κε ςα γριάτκασ για να πεσλεέφκετε ςασάτα. κεπεχι ατο τιν ςασάταν πρεπ να μεταφιτέδοματο σο χοραφ. Ονταν εφτάμε αετς, ο καπνον θα χριάσσκετε για το έφταζμαν θ μίνας ασον κερσ ντεφιτέφτεν τι καπνω ι ςασάτα σο χοραφ.

Σιν καλιέργιαν τι καπνω το πεσλέεμαν τι ςασάτασ εν τζιπ σπυδέον κε πολίπλοχον οπεράτςιαν.

Ασιν πιότιταν τι ςασάτασ εκσαρτίστε ςε ςιμαντικον βαθμον τεπιτιχιμένον το φίτεμαν τι καπνω, ι περιπίσσιαθε σο χοραφ κε ιωπόρκα τι εσοδιάσ.



Αρ γιατατο πρεπ τα σοβχόζια κε τα κολχόζια τι κράι, να δίγνε τζιπ μεγάλον προσοχιν για τα ζιτίματα τορζανοματι κε τι τεχνικις σα δουλίας σα ρασάτνι νικοχιρία τι καπνυ. Κε σατα τα ζιτίματα πρεπ να δόχχετε παραπαν προσοχι ίλιαμ οφέτος σο τελεφ-τέον τον χρόνον τι πιατιλέτκας, ντο εν ι πάζα για να αναπτύν-ταν κιάλο μεγαλιόδικα δουλίας σο 2-ον τιν πιατιλέτκαν τανάπτικις τι Λαικυ Νικοχιρι.

Όλια τα δουλίας σο ρασάτνι το νικοχιρίον μιριάγουνταν σα δίο: σα προετιμαστικα τα δουλίας κε σα βασικα.

Προετιμαστικα δουλίας εν: το διάλεγμαν τι μέρος για τιν ζακ-λάτκαν τι παρνικίον (ρασάτνικον), το μοθοπορνες το δύλεμαν τι χο-ματι τι ρασάτνικυ, τετίμαζμαν τανακατοματι τι παρνικι, τετίμαζμαν τι κσιλίον, τι ματεριαλίον, τινβενταρι, το χάσσεμαν τανακατοματι τι παρνικι, τορζάνομαν τεφοδιαζμυ τι νερυ κε άλα.

Βασικα δουλίας εν: τανικσεζνον το δύλεμαν τι χοματι τι ρασάτ-νικυ, ι ζακλάτκα κε το προετίμαζμαν τι παρνικίον κε τι γριατίον, το σπέρσιμον τι σπορίον κε ι περιπίσι τι ρασάτας.

Τα προετιμαστικα τα δουλίας πρεπ να γίνταν ασα 15 οχτοβ-ρίυ υς 1-ι Μαρτι για να γίνταν επιτιχιμένα κε με τον κερων τα βασικα τα δουλις κι όλια τα δουλίας σο ρασάτνικον.

Τα βασικα τα δουλίας πρεπ να γίνταν απο 1-ι Μαρτι υς 5 Κερασιυ.

Το πολίχρονον ι πέρα δικ, πως ι δουλία ντο γίνετε με τον κερων εφτά μινκιν να γίνταν κε τακόλυθα τα δουλίς με τον κερων κε ατο αποφασιζ το επιτιχιμένον ταποτέλεζμαν όλεν τι δουλίς.

Ατο ίλιαμ-ίλιαμ ζοιρα φένεε σαγροτικον το νικαχιρίον κε ιδιέτερα σιν καπνοφιτίαν.

Ονταν κεχτελιούνταν με τον κερων τα μοθοπορνεζνο-σσιμον-κονεζνα (προετιμαστικα) τα δουλίς, έρχυνταν κε σταμπόνε τα δου-λίς τιν άνικσιν, ίλιαμ-ίλιαμ ονταν αργιζ ι άνικσι.

Σαίικον περίσταςιν το κολχοζ πρεπ σεπολα ολίγον κερων απεσ (10-20 ημέρες) να εφτά όλια τα βασικα τα δουλίς, να τελιον τα προετιμαστικα τα δουλίς τι καπνοφιτίας ντο κεγένταν ακόμαν κε να εφτά κε έναν σιριν δουλίς για τάλα τα κλαδιά τι νικοχιρι.



Αετις όνταν έρτε ι κατástασί, αλάετε το πλάνον ντεκαταστρό-  
θεν ενορίτερα, γιαρατέφκυνταν υσλόβιας για να μι κυλανέφκετε ει  
εντέλιαν τεργατικον ι δίναμι τελχτικον ι δίναμι, κε τινθενττρι, να  
χαμελιν ι παραγογικότιτα τι δουλίαις κε να γίνετε άςσκεμα ι δουλία.

Ατα τεκσυχλόγια ει δουλία) επορου να εβγένε αειν μέσειν, μό-  
νον αν γίνταν με τον κερον όλια τα δουλίαις, αντίστιχα με το παρ-  
γογικον το πλάνον ντεκαταστρόθεν ενορίτερα, αντίστιχα με το πλά-  
νον ναριατ κε το αγροπλάνον.

Απαδακα φένετε, πόσειν τρανον σιμασίαν εςσ ονταν γίνταν με  
τον κερον τα δουλίαις σο ρασάτνι το νιχοιρίον, ίλιαμ ίλιαμ τα μοθο-  
πορνο-σειμονκονεζνα τα προετιμαστικα τα δουλίαις, κατα κε το γράφικ  
ντο εκαταστρόθεν απενορις.

Σον κερυν όνταν κι γίνταν το μοθοπορνο-σειμονκονεζνα τα  
δουλίαις ατο επιρεαζ ει πιότιταν κε σεχτέλεζμαν τανικσεζνον (βαςι-  
κον) εργασιον. Ομια κε απαράλαχτα όνταν κι γίνταν με τον κερον  
τα βασικα τα δουλίαις ατο επιρεαζ ει προθεζμίαν κε ει πιότιταν  
εάλα τα δουλίαις ντο ακλυθον όπος: φίτεμαν τι καπνυ, δύλεμαν σο  
χοραφ, υπόρκα κ.τ.λ.

Ζοντανον χτιπιτον παράδιμαν για ταίκον τιν κατástασιν εν  
πος εγένταν τα δουλίαις ει καπνοφι ίαν οπερτε σο 1931 τι χρονίαις,  
ονταν επι.δι κεχτελέεσταν με τον κερον κάπια δουλίαις, κάπια αγρο-  
τεχνικα μέτρα, ατο εγέντον ετία κε κεχτελέεσταν τακόλυθα τα δου-  
λίαις, κιαετς εχαλάυτον ι δουλία σον καπνον.

Τα κολχόζια πρεπ μίαν κιαλομίαν να ενθιμύνταν προς όνταν  
εφτάγνε με τον κερον τα δουλίαις, ατο εν ενκίσι για το οργανοτικο-  
νιχοκριακον το δινάμομανατυν, για τανίβαζμαν τικονομικυ κε τι  
μορφοτικυ τεπίπεδυ τι κολχόζνικιον για να εκσασφαλίετε όστε να  
περυν κε να γίνταν ειινιδιτι ενεργητικι χτίστε τι σοσιαλιζμυ.

Όνταν κυλανέδομε τα σοσιαλιστικα τα φόρμας τι δουλίαις, το  
υτάρνιζεστω κε το σοσιαλιστικον τι σαρεβνοδάνιαν, όνταν εποφελί-  
μες όλια τα προόδυ ταγροτικυ τεπιστίμις κε ταγροτεχνικις τιν  
πίραν τεμπρολάτκον τι σοβχοζιόν κε τι κολχοζιόν, θα δίγομε σο  
σοσιαλιστικον το εέκτορεμυν έρχιαίτιαν κε καλυ πιότιτασ ρασάταν για  
το τρίτον το πολςσεβίικιον τι άνικειν,



## ΜΕΡΟΣ ΠΡΟΤΟΝ

### 1. ΤΑ ΜΟΘΟΠΟΡΝΕΖΝΟ-ΣΣΙΜΟΝΚΟΝΕΖΝΑ (ΠΡΟΕΤΙ-ΜΑΣΤΙΚΑ) ΔΥΛΙΑΣ ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ

Εβρίομες σο κατοθιρ τι τρίτο τι πολςσεβίικυ τι κολχόζικυ τάνικςις. Τα καπνιφιτεφτικα τα κολχόζια πρεπ πολα να περισέβνε τα τέμπια σιν δυλίαν.

Υτάρνικα πρεπ να τελιόνε όλια τα μοθοπορνο-σσιμονκονεζνα τα δυλίασ κε νιχυ-τριχυ πρεπ να επεκσεργάσςκετε το πλάνον-ναριατ για τα βασικα (ανικσεζνα) τα δυλίασ.

Πρεπ με όλια τόπλα ναπαντόμε τιν άνικςιν. Ιστερια θα ιστορίζομε όλια τα ανικσεζνα (βασικα) τα δυλίασ για το ρασάτνι το νικοκιρίον· αδα σο μέρος θα σταματόμε σα μοθοπορνο-σσιμονκονεζνα τα δυλίασ κε σα κάπια λογαριαζμυς ντο ιν σινδεμένα με τατα.

Ταγροτεχνικα τα πράβιλας ντο πρεπ να τερίουνταν, όνταν εχτελίονταν ατα τα δυλίασ, δίχκονταν σα πριλαζζένιας 1-ον κε 3-ον.

### Α. ΔΙΑΛΕΓΜΑΝ ΜΕΡΥΣ ΓΙΑ ΡΑΣΑΤΝΙΚΟΝ

Το διάλεγμαν τι μέρος για το ρασάτνι το νικοκιρίον, πρεπ οσαν πράβιλαν να γίνετε μοθοπορι, κε κιάλο καλίον εν να γίνετε σα τέλι τι καλοκερι.

Ι υτζάστκα ντο εδιאלέχτεν πρεπ ναπαντα σακόλυθα τα υσλόβιας

1) Πρεπ όλεν τιν ημέραν να κρύγιατο σιν εν-έλιαν τίλιονος το φος, επιδι το φος κε ι θερμία ιν, καλα όχι μόνον για τιν ρασά-ταν, αλα κε για τον αγόναν εναντίον σα κολιτικα ταρόστιας ι ρασάτας



2) Το χόμαν τι υτζάστκας πρεπ να εν θρυμυλιαρ, επιδι το χόμαν ονταν αφιν να διαθεν ι ιγρασία, εμποδιζ να σχηματίετε το νιαμ ντο οφέλα πολα να αναπτύονταν ταρόστιας τι ρασάτας.

3) Ι υτζάστκας πρεπ να εν ιπερασπιζμένον ασα κρία (ασα βορινα) κι ασα κσερά (ασα ανατολινα) ταέρας, τα οπία φισυν κε κσερένε τα νείκα τα τιλικάτκα τα θλαστάρια τι ρασάτας.

Αρ γιατατο, αν για το ρασάτνικον γίνετε σιν γριζέαν γιάχουτ σε καθαριζμένον ορμανλυκ, πρεπ ιποχρεοτικά να αφίνομε σιράδες δέντρα ντο ιπερασπίζνατο αντίκρι σιν διέφθινσιν ντο έχνε τεπιτόπια τα κριαρχικά (διλαδι ντο φισυν σιχνα) ταέρας.

Αν για το ρασάτνικον εδιαλέχτεν υτζάστκας σανιχτον μέρος, πρεπ ιποχρεοτικά τιν ανικσιν να φράζοματο με ιψσιλον φραχτιν απο επιτόπον ματεριαλ (καμ'σσ, χβόροστ κ. τ. λ.).

Απεσ σο ίδιον το ρασάτνικον πα πρεπ ιποχρεοτικά να γίνταν φραχτία, εατς όστε να γίνταν άμον κσεχοριστα καφέσσα κε τενταλαπαν ι έχτασι τι καθαινος καφεσι πρεπ να εν απαν-αφα 25 έχτ.

4) Το κριότερον ι υσλόδα για το ρασάτνικον εν να εν εκσασφαλζμένον με καλον νερον.

Ασόλεν κιλίον νερον λογαριάσσετε το τρεχόμενον (τι ποταμι), κε γιατατο εν καλον να γίνταν ζακλάτκαν τα ρασάτνικα συμα σα ποτάμια γιάχουτ συμα σε τρανα κιόλια.

Μοθοπορ: πρεπ ακόμαν να γίνετε δουλία για να οργανύτε οεφοδιαζμον τι νερο για το ρασάτνι το νικοκiriόν (να χτιυν κιόλια. πλοτίνας, να ανίγυν κυια, κε άλα). Σατο πρεπ να γίνετε λογαριαζμος ότι για να πεσλεέφχετε ρασάταν 100 έχτ., το ζαπας τι νερο πρεπ να εν απαν-αφα 225 χιλ. θέτρια.

5) Το γρυντοβι το νερον κι πρεπ να εν συμα σιν επιφάνιαν τι ρασάτνικου, αλεος θα εβγεν αρόστια ντο βαιθα να αναπτύονταν πολα ταρόστιας τι ρασάτας.

6) Για το ρασάτνικον κι πρεπ να χορίετε μέρος όπου έσαν φιτρομένα πολα αγροχόρταρα επιδι ασα αγροχόρταρα κστατάγουνταν πολα βρετίγελια κε αρόστιας ντο θλάφνε τιν ρασάταν.



7) Το μέρος πρεπ να εν ίσον. Αν το ρασάτνικον γίνετε ζακλάτχαν σε παιροτον μέρος, πρεπ γιατατο σε χορίζομε τα νότια κε τα διτικά τα παίρια.

8) Το ρασάτνικον κι πρεπ να εν μακρα ασο μέρος όπου θα φιτέφχετε ο καπνον: ασαλ το μέρος κι πρεπ να εν κε μακρα ασιν κατιχίαν εκινον τι κολχόζνικιον, πυ θα εμπένε σε „ρασάτνι,, τιν πριγάταν.

Ασόλια ντο ίπαμε εβγεν, πως πολα δίσκολον εν να εβρίετε έναν υτζάστχαν, πυ να ικανοπια σινεντέλιαν όλια ατα τα απέτις α (τρέπυθανιας). Γιατατο εν ανάνχι να γίνταν ζακλάτχαν ρασάτνικα σε 2-3 μέρια. Ονταν γίνταν ζακλάτχαν ρασάτνικα σε 2-3 μέρια φιλάετε ι ρασάτα αν φένταν αρόστιας κε βρετίτελια, επιδι ι ανάπτικσι κε το παρυσίζμαν ταρόστιας κε τι βρετίτελιον κεπορι να εν όμον σόλια τα υ ζάστκας.

Το ζίτιμαν, να γίνετε ζακλάτχαν το ρασάτνικον σέναν γιάχοτ σε κάμποσα μέρια, πρεπ τα καθάέναν κσεχοριστον περίστασιν ναποφασίετε αφτεκσύσια.

## B. ΤΟ ΜΟΘΟΠΟΡΝΟΝ ΤΟ ΔΥΛΕΜΑΝ ΤΙ ΧΟΜΑΤΙ ΤΙ ΡΑΣΑΤΝΙΚΥ

Πριν να δυλέφχετε το χόμαν, πρεπ να γίνετε ι πλανιρόφχα τυτζάστκας, όλαδι να σχεδιάσκυνταν κε να μιριάυνταν αφστια τα μέρια για τα γριάτκας κε για τα παρνίγια, να στιβάετε τανακάτομαν τι παρνικι, το μέρος πυ να χασσέφχετε, το μέρος για τα πέτχως κ. τ. λ.

Ιστερα ασο λάλεμαν γιάχοτ τι σερι το εκάπσιμον (ραγιον τι Σότζας, Αρμένκον κε άλαραγιόνια) σχεδιάσκυνταν σε ρασάτνικον τα όρόμια απόπυ θα περυν κε κανάβας για να κσιέετε εκιαπες τι βρεσσις το ερον κε γενικα το νερον, αν το ρασάτνικον γίνετε ζακλάτχαν σε παιρ.



Το ραζάνικον πρεπ να λαλίετε σε βάθος—18-12 σαντίμετρα κε σατο πρεπ να τερύονταν όλια τα πιοτικα τα ποκαζάτελια όπος κε σάλα τα δουλίας. (Τα πιοτικα ποκαζάτελια τι δουλίας σιμιόνταν σιν πριλαζζένιαν 3).

Αν το ραζάνικον γίνετε ζακλάτχαν σε γριζέαν γιάχοτ σε καθαριζμένον ορμανλук, ετότε το λάλεμαν γίνετε σε βάθος 8-10 σαντίμετρα, για να απομεν σαπαν το κατ τι χοματι παραπαν ορμανι σαπόχομαν.

Τα υτζάστκας όπου έσαν φιτεμένα φαζυλοτα, χορτάρια αναφαγας, κάθος κε τα χοζάνια πρεπ να λαλίονταν όσον επορι κιάλο αγλίγορα, για να προφτάνε τα ρίζας να σέπονταν καλά κε μετατο να περισέδνε τιν θρεφτικότηταν σαπαν το γατ τι χοματι.

## Γ. ΤΕΤΙΜΑΖΜΑΝ ΤΙΝΒΕΝΤΑΡΙ ΚΕ ΤΙ ΜΑΤΕΡΙΑΛΙΟΝ

Αδακα θα λέγομε πία εν τα βασικα τα πιοτικα τα τρέποδανιας, σα οπία πρεπ ναπαντυν τα ματεριάλια κε το ινβενταρ ντο ετιμάγετε. Σιν πριλαζζένιαν 5 φένετε ασα πύον ματεριαλ πρεπ να ετιμάγονταν τα ματεριάλια κε το ινβενταρ.

Το χυσσκ ντο ετιμάετε πρεπ να σέπετε καλά, να εν θρουμυλιαρ να σιμπεν κι όνταν πιάντσατο με το σσέρις να εν μαλαχον.

Αγίχον απαν αφκα εν το 2-χρονον κε 3-χρονον το χυσσκ, αν σο αναμετακσι εγέντιον καλιν περίπιςι κε αν εφιλάεν ορθα.

Ασόλον καλίον χυσσκ λογαριάετε τι προατι κε το χυσσκ ντο πέρχετε ασα τρανα τα κερατοφόρα τα ζα, καθαρων γιάχοτ ανακατομένον με αλογυ χυσσκ.

Επορι να κυλανέφχετε κε καθαρων χυσσκ αλογι.

Τα ίδια απέτιςια πρεπ να ικανοπια κε τορμανι το σαπόχομαν.


Το γυμ ντο ετιμάετε πρεπ ζον τόπον ντο εβρίετε να κοσσκινίετε για να καθαρίετε ασα περιτα τα πράματα. Το χόμαν για



τανακάτομαν τι παρνικι πρεπ να εν θρυμυλιαρ κε να ες απες σαπόχομαν.

Ασòλεν καλίον πάι τελαφρον τορμανι το χόμαν.

Οσαν πράβιλαν πρεπ όλια τα ματεριάλια ντο ετιμάγυνταν, για τανακάτομαν τι παρνικι να ιν καθαρα απο κσένα υσίας, κε να απαντυν σινεντέλιαν σεκίνα τα απέτισια, ντο παρυσιάζνε σατα.



Τα κσίλα ντο ετιμάυν για το χάσσεμαν πρεπ να ιν κσερα, κιαν ετιμάυνταν ρίζας, πρεπ να ιν καθαρα ασο χόμαν.

Τα μεταλικα ενιάζματα, τα οπία όχι μόνον αγλιγορέβνε το τράνεμαν κε δυναμόνε το γενικιον τιν ανάπτικσιν τι ρασάτας, αλα κε περισέβνε τιν ποσότιταναθε, καθος κε τα μέσα ταγόνα εναντίον σαρόστιας κε τα θρετίτελια τι καπνυ, πρεπ να φιλάυνταν σα υσλò-θιας σίμφονα με τα ιπόδικσια ταγροτεχνικυ τι προσοπικυ ντο εκσι-πιρετα τα καπνοφιτεφικα τα κολχόζια.



Τζαμλία ράμας πρεπ να ετιμάυνταν απόσα, όσα επορυν να εκσασφαλίζνε το πεσλέεμαν ρασάτας σε έχταςιν 30% ασόλεν το οφέλιμαν τιν έχταςιν τι ρασάτνικυ.

Τα κολχόζια πρεπ να εφτάγνε τα ράμας κατα τε το σταν-  
ταρτ ντο επροζδιορίστεν: μάκρος 2 μέτρια πλάτος έναν μέτρον

Το καθέναν ι ράμκκ αποτελείτε απο απδιάζκαν κε 3 γορπί-  
λια. Ι ράμα δέσσετε αμον σσίνα (τενανταλαπες) κε ταφκα το κοντον  
το μέρος γίνετε „ασον. πρόσοτον μερέαν“ με αβλακόπον για να  
τρεσς ελέφθερα το νερον ασο γιαλιν τι ράμας.

Τα ράμας πρεπ να ετιμάυνταν απο σανίδια τα οπία να έχ-  
νε χόντρος 40 50 μιλίμετρα το πλάτος τι κσιλι ντο θα πάι σιν  
απβιάζκαν πρεπ να εν 60-65 μιλίμετρα τι γορπιλίον 35-40 μι-  
λίμετρα.

Ασόλεν καλίον ματεριγλ για τα ράμας λογαριάσσετε ταλατ  
αλα επιδι ατο κεβρίετε, πολα επορυν να ετιμάζνατα ασα κάστανα  
ασο φλαμυρ (λίπα) κε απο κσερον πελιτ κι αλα κσιλι ματεριάλια.  
Τα ράμας πρεπ να ιν σπιχτα κε να εμπένε κάμποσον απες σιν γιν.

Τα ψαθία ντο ετιμάγυνταν ασιν ραγόζζαν, ασο καμισς, ασα  
χοντρα τασσίρια πρεπ να έχνε πλάτος  $1\frac{1}{2}$  υς 2 μέτρα, αντίστιχα  
με το πυ θα κυλανέφκυνταν: σα κρία τα γριάτκας γιόκσαμ για τα  
παρνίκια αφκα σα τζαμλία τα ράμκας. Το μάκροσατυν κι πρεπ να  
εν παραπαν ασα 6-7 μέτρια.

Ονταν αγοράγυνταν, γιάχοτ ονταν ετιμάγυνταν τα ψαθία  
πρεπ να δόχκετε μεγάλον προσοχιν σο σπιχτον το πλέκσιμονατυν.

Τα ράμας, τα ψαθία, κε όλεν τάλο τινβενταρ; (κοσσκίγια,  
βαρέλια, ολόγια κ. τ. λ) πρεπ να ετιμάυνταν σο μοθοπορνο-σσι-  
μονκονεζνον τιν περίοδον. Τινβενταρ πα ντο εβρίετε σον παρον  
πρεπ να γίνετε ρεμοντ κε να φιλάετε σε κσεχοριστον σκλατ το  
οπίον να εν κσερον.

Όλια τα ματεριάλια κε το ινβενταρ ντο θα έρχυνταν σε άμε-  
σον σχέσιν με τι ρασάταν πρεπ σιν αρχιν τι δουλίας να γίνταν



απολίμανσιν με διάλυσιν μετνι κυπορος, φορμαλιν κε άλα γιατρικα ντο εφτάμε τιζινφάξσιαν.

## Δ ΤΟ ΧΑΣΣΕΜΑΝ ΤΙ ΠΑΡΝΙΚΙΟΝ ΚΕ ΤΙ ΓΡΙΑΤΙΟΝ

Τα ματεριάλια ντο θανακατύνταν για να σχηματίζνε τανακάτομαν τι παρνικι πρεπ ριφτιαν νά κορσκινίουνταν, κεπεχι να χασσέφκουνταν.

Το κηριότερον το πρόβλιμαν τι χασσεματι εν να καταστρεφ όλια ασόπια επορου να κα ατάγουνταν αρόστιας τζίνκι κιάλο έφκολον εν να περ κανις τέμπρι ταρόστιας παρα να πολεμάτο.

Εκσον ατο, το χάσσεμαν καταστρεφ τα σπόρα τιγροχορταρίον, τα θλαθερα τα έντομα κε αλα.

Με το χάσσεμαν γίνετε κιάλο θερχιλιν το χόμαν. Θα ιπι ατο βοιθα να καλιτερεβ ι ρασάτα κε να αναπτίετε καλίον.

Για το χάσσεμαν μεταχιρίσκουνταν τα ακόλυθα τρόπος:

1) Ασυ φορτόνε τανακάτομαν τι παρνικι κιάφτνε ταπαν το μέρος τα παρνίκια κε τα γριάτκας.

2) Εφτάγιατα απολίμανσι (πρατράβλιθανιαν) με διάλυσιν φορμαλιν, με λογαριαζμον — σο 1 τετραγονικον μέτρον τι παρνικι γιάχοτ τι γριάτκας 8 λίτρας διάλυσιν. Ι απολίμανσι πα ίστερα ασο φόρτομαν γίνετε.

Ι διάλυσι ετιμάετε με λογαριαζμον ιμπεσον κιλον φορμαλιν (40<sub>0</sub>/<sup>0</sup>) σα 8 λίτρας νερον, θα ιπι 750 γραμάρια φορμαλιν σέναν βέτρον νερον.

3) Ζέσταμαν τανακατοματι τι παρνικι — σα ζζαρόβνιας γιάχοτ σε ιδιέτερον πακ.

4) Χάσσεμαν τι παρνικίον κε τι γριατίον με ατμον (τύφαν) ασο παραδικ (αμερικάνικον τρόπος).

Επιδι κέχομε πολα μέρος αδα σιν προσσύραν, κι θα περιγράφομε όλια ατα τα τζεσσίτια τι χασσεματι.



Θα δίδουμε μόνον τα βασικά τα σιμιά τατινεθι τι δουλίας. Σατο-  
τοριζνον τον κερον τα πρότα τα δύο τζεσσίτια τι χασσεματι κι με-  
ταχιρίσκυτανατα, επιδι όσιν πρεπ τέλια κίνε. Ασύλεν το ταυτε-  
μένον ο τρόπον εν το χάσσεμαν ζζαρόβνιας, σε πρέτζκον ντο χτί-  
ετε μάχσος για τατο το σκοπον σίφονα με το δίγμαν τι Γιτ (Γιτ=  
κρατικον ινστιτυτ τι καπνοφιτίας), γιάχοτ ζα κανάβας ντο χτίζνε  
μάχσος για τατο.

Κι περιγράφο τα ζζαρόβνιας κε το χτίζιμον τι κανάβας, επι-  
δι λογαριάζουμε προς ατο πολα καλα εκσέρνατο ι κολχόζνικι — κα-  
πνοφιτεφτάδες.

Αλόμος πρεπ να σιμιόνομε προς χορις άλο πρεπ να εφαρμό-  
σκυταν εκίνα τα πιοτικα τα τρέποδανιας ντο παρυσιάσκυν ζατο τιν  
δουλιάν (τέρεν το 3-ον τιν πριλαζζένιαν).

Σο μέρος „μιχανοπίσι κε ρατσιοναλιζάτσια τι δουλίας σο ροσατνι  
το νικοχιρίον“ θα περιγράφομε το μιχανοπιιμένον τον τρόπον τι  
ζεστεματι τι παρνικι σο πακ τι ζ. Σβιτυνοφ.

Ταμερικάνικον ο τρόπον τι χασσεματι κζάι κι κυλανέφχετε ζιν  
καπνοφιτιάνεμυν, αν κε ακσιζ να δίγομέ ζατο τρανον προσοχιν κε  
να δοκιμάζοματο.

Αετς πα το μοθοπορνο — ζσιμονκονεζνα τα δουλίας ζοργάνομα<sup>ν</sup>  
τι ραζάτνι τι νικοχιρι ντο πρεπ να γίνταν ασα 15 Οχτ.βρίυ υς  
20 Φεβρουαρίυ εν τα ακόλυθα:

- 1) Χόριζμαν τι υτζάστκας για ραζάτνικον.
- 2) Μοθοπορνον δύλεμαν τι χοματι.
- 3) Είμαζμαν τινθενταρι κε τι ματεριαλίον.
- 4) Το χάσσεμαν, τανακατομαν, τι παρνικι.
- 5) Να χτίυν χτίρια (ζαράγια για τινθενταρ κε για τα ματερι-  
άλια, στορόζζκας, ορτιμιάδες για τεργάτας σε περίπτοζιν βρεσσις κ.τ.λ.).



## ΜΕΡΟΣ ΔΕΥΤΕΡΟΝ.

### 2. ΤΑΝΙΚΣΕΖΝΑ ΤΑ ΠΡΟΕΤΙΜΑΣΤΙΚΑ ΤΑ ΔΥΛΙΑΣ ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ.

Τανικσεζνα τα προετιμαστικα τα δυλίας εν: ι ραζπίφκα κε το προετίμαζμαν τι γριατίον, ι ραζπίφκα κε το προετίμαζμαν τι παρνικίον αφκα σα τζαμλία τα ράμας, το προετίμαζμαν τιμψοθερμον τι παρνικίον, το προετίμαζμαν ι απολίμανσι (πρατράβλιθανια) κε το φίτρομαν (πραράσσιθανια) τι σπορίον.

Ατα τα δυλίας πρεπ να γίνταν ασα 1-10 τι μαρτ για να γίνταν με τον κερν κε να προφτάνε με τον κερν να εχτιλίουνταν κε τα κατοπινα τα δυλίας.

Σα περι:α τα καπνοφιτεφτικα τα ραγιόνια τα υσλόβιας εν αγικα όστε κι χριάσσκετε να γίνετε ζακλάτκα για να πεσλεέφκετε ρασάτα σα θερμα παρνίκια ντο χυλίνταν ασο χυσεκ.

Ασόλεν καλίον εν να μιριάγετε σα 3 μέρια όλεν τοφέλιμον ι έχτασι τι ροσάτνικυ, αντίστιχα με το ιμερολογιακον το πλάνον τι φιτεματι (το εργατικο ι δίναμι, τα ματεριάλια, τα μέσα κ.τ.λ). Ασατα τα 3 κομάτια σο έναν πρεπ να γίνταν ζακλάτκαν παρνίκια αφκα σα τζαμλία τα ράμας: σάλο το κομοτ πρεπ να γίνταν κρία γριάτκας κε σο 3-ον ιμψοθερμα παρνίκια κε παρνίκια καρόπκας για να μεταφέρκυνταν ατυ ράμας ασο πρότον το κοματ τι ρασάτνικυ για να πεσλεέφκετε ι ρασάτα αγλίγορα.

### Α. ΠΟΣ ΓΙΝΤΑΝ ΡΑΣΠΙΒΚΑΝ ΚΕ ΠΡΟΕΤΙΜΑΥΝΤΑΝ ΤΑ ΚΡΙΑ ΤΑ ΓΡΙΑΤΚΑΣ.

Ι υτζάστκα ντο εν προοριζμένον για ρασάτνικον, αμα κε σχύτε το σσον έρχιαντιαν τιν άνικσιν κε επορι να δυλέφκετε το χόμαν πρεπ να λαλίετε γενι εν κε να τυρμουχλαέφκετε, γιάχοτ να τυρμουχλαέφκετε μονάχον, αντίστιχα με τιν πιότιταν τι μοθοπορνυ τι δυλεματι το ρασάτνικον.



Ίστερια αιατο αρχινουν κε χορίζνε τοφέλιμον τιν υτζάτκας τι ρασάτνικυ σα κσεχοριστα γριάτκας.

Αδακα θα ιποδίκουμε μονάχον τα βασικα τα τρέποβανιας, ντο πρεπ να ικανοπια το καθέναν ι γριάτκα κσεχοριστα

Το πλάτος τι γριάτκας πρεπ να εν 15 μέτρον, το μάκρος 16 μέτρα. Το πσίλος πρεπ να εν 3-4 καντίμετρα, κι όνταν φογάτε κανένας το θλαθερον τιν επίδραζιν τι γρόντοβι τι νερυ ετοτε τι πσίλος τι γριάτκας πρεπ να εν 7-8 σαντ.



### Αρδεμαν τι ρασάτας (Απίνσκαγια)

Ατο το τράνος τι ρασάτας εκσασφαλιζ κανονικα υσλόβιας για το τράνεμαν τι ρασάτας ιν κατάλιλα για να χυζμετεβ κανις τι ρασάταν κε περισεβ τοφέλιμον τιν έχτασιν τι ρασάτνικυ.

Ανάμεσα σας γριάτκας πρεπ να απομένε δρομόπα ίσα 30 σαντ.

Όσαν πράβιλαν, τα γριάτκας πρεπ το μάκροσατυν να εν απιμάλια σιν διέφθινσιν τι δρομίον ντο έρχουν σο ρασάτνικον.



Τα δουλιάς σο προετίμαζμαν τι γριατίον πρεπ να γίνταν με το κατοπινον τιν παριάτκαν: πρότα-πρότα αχταλέθνε κι ανίγνε τα δρομόπα, το χόμαν τζανίζνατο ισόμετρα σο μέρος όπου θα γίνετε ι γριάτκα. Τάκρας σα γριάτκας γίνταν ολίγον λοκσα με κατέφορον σο μέρος τι γριατίον.

Αργότερα τα δρόμια θα χρισιμέθνε για να τρεσσ τι θρεσσις το νερον γιατατο πρεπ να πέρχετε ιπόψιν ατο ι περίστασι κε αντί-τιχα να ισάγυνταν τα δρομόπα.

Ιστερια τζακελίζνε ταπαν τα γριάτκας με το τζάπκας χο-ρίζνε κε εβγάλνε επεκιαπες τα ρίζας κε τάλα τα χοχόλια.

Το τελιοτικον το θρυμυλίαζμαν τι χοματι (το τζάχομαν τι κυσστίον) το ίσαγμαν τεπιφάνιας τα γριάτκας κε ι φορμόφκατυν γίνετε με τα γράπλιας.

Ι μέσι τι γριάτκας πρεπ να εν ένακσαι κιαλο ιπσιλα θα ιπι ι επιφάνια τι γριάτκας πρεπ ισόμετρα να χαμελιν ζάκραςαθε.

Ιστερια κσιίετε το χριαζόμενον ι ποσότητα τανακάτομαν τι παρνικι κε προσεχτικα ισάγετε απανκες ζιν γριάτκαν χορις ναλάγετε ι επιφάνια τι γριάτκας.

Το θρεφτικον το κατ τανακατοματι τι παρνικι πρεπ να εν απαν-αφκα 2-3 ζαντ. σο πάχος.

## Β. ΠΟΣ ΓΙΝΤΑΝ ΡΑΖΠΙΦΚΑΝ ΚΕ ΠΟΣ ΠΡΟΕΤΙΜΑΓΥΝ ΤΑ ΠΑΡΝΙΚΙΑ ΑΦΚΑ ΣΑ ΤΖΑΜΛΙΑ ΤΑ ΡΑΜΑΣ.

Σο μάκροσατυν τα γριάτκας πρεπ ιποχρεοτικα να ιν ασιν ανα-τολιν ζιν δίζιν επιδι μόνον ζαίκον περισταζιν τα τζαμλία τα ράμας θα τοποθετίουνταν απαν σα καρόπας ασον βοραν ζον νότον.

Εκσον ατο τα ράμας πρεπ να ζτέχνε ενάντια, κατεφορετα ζον νότον, για να εκσασφαλίζνε ό,τε να ζεστέφκυνταν καλίον τα παρ-νίκια ασον ίλεν κε καλίον να τρεσσ το βροχόνερον.

Το πλάτος τι γριάτκας τι παρνικι πρεπ να εν όσον το μά-κρος τι ράμας, διλαδι 2 μέτρα. Το μά-ρος τι παρνικι 16 μέτρα.



Τα δρομόπα ανάμεσα στα παρνίκια πρέπει να έχουν πλάτος 50 εκατοστά.

Τα δρόμια, όπου απανθάν σταβάνταν τα ράμας όνταν θεβγένε αστα παρνίκια, πρέπει να έχουν πλάτος 2,5 μέτρα.

Ιστερία ασιν ραζπίφκαν το κατοπινον ι δουλία εν να εμπένε τι παρνικι τα καρόπας, Ατα επορου να γίνταν απο σανίδια 3 εκατ. σο πλάτος. Το βορινον ι στενκα τι καρόπας πρέπει να εν απαν-αφκα 5-6 εκατομέτρα κιάλο ιπσιλον ασο νότιον.

Το δούλεμαν τι χοματι σο καθαέναν παρνικ, το ίσαγμαν τεπι-φάνιας, ι φορμόφκα, το κσισίμιον τανκατοματι τι παρνικι κ.τ.λ. γίνταν με το ίδιον τιν παριάτκαν όπος κε στα κρία τα γριάτκας.

## Γ. ΠΟΣ ΕΤΙΜΑΓΥΝ ΤΙΜΠΣΟΘΕΡΜΑ ΤΑ ΠΑΡΝΙΚΙΑ.

Ατα τα παρνίκια έχουν σκοπον να δίγνε έρχιανταν ρασάταν. Ι δουλία σο προετίμαζμαν τατινέτερον τι παρνικίον γίνετε σο 2-ον το δεκαπενταίμερον, κε για να λέγομε κιάλο σοστα το τέλος τι φεβ-ρουαρίου.

Σο μέρος τι γριάτκας τι παρνικι αχταλέφιετε κουν 35 εκατο-μέτρα σο βάθος.

Ατου σο κουν βάλνε σαλόμαν ανακατομέμον με φρέσκον αλογυ-χουσκ, γιάχοτ ανατάραγον με κόπρον αστα κερατοφόρα τα ζα. Βάλ-κунταν ατου σο κουν ατόσον σαλόμαν κε χουσκ, όστε ίστερα ασυ πα-τίετε κε ισάγετε να γίνετε έναν κατ 20 εκατομία.

Αίκον κατ επορι να πέρκετε όνταν στα κάθαν 2 τετραγονικα μέτρα βάλκунταν 64-65 κιλα σαλόμαν.

Ιστερία νεμλιαέφκετε ατο το κατ τι σαλόμας κε τι χουσκι. Απαν σατο το κατ τι σαλόμας βάλκετε ταπαν το κατ τι χοματι τι γιτονικυ τι γριάτκας τι παρνικι, 10 εκατομέτρα σο πάχος, σε το επίλιπον το χόμαν τι γιτονικυ τι γριάτκας 25 εκατομέτρα σο πά-χος σίρκετε πλαν μερέαν.

Κι ασετς σο κουν ντο ε:χιματίεν σο 2-ον το παρνικ 35 εκατ. σο βάθος βάλκετε σαλόμαν κε χουσκ, έναν κατ χόμαν, αποπαν σαλό-



μαν 10 σαντίμετρα σο πάχος, κσιέτε ασο 3-ον τι παρνικι τιν γριάτχαν κε αετς πα παρακάτο.

Σο ετίμαγμαν τατινέτερον τι παρνικίον τα κατοπινα τα δυ-  
λίας εν τα ίδια κε με το ίδιον τον τρόπον γίνταν, όπως κε σα παρ-  
νίγια σα πρότα 2 τζεσσίτια.

Τιμπσόθερμα τα παρνίγια επορουν σινάμα να ιν αφκα σα τζαμ-  
λία τα ράμας. Ατότε χτίυνταν καρόπας όπως κε σα παρνίγια ντο  
ιν αφκα σα τζαμλία τα ράμας.

Πάραπολα σπυδέον εν να μι αφίνε να τρεσσ σιμπρόθερμα τα  
παρνίγια το βροχόνερον, επιδι ατο γίνετε ετία να αναπτύυνταν πο-  
λα τα κολιτικα ταρόστιας τι ρασάτα. Αν τι παρνικι το κουν εσσ  
50-55 σαντίμετρα βάθος, ατότε ατο τα παρνικ ονομάζνατο θερμον.

#### Δ. ΤΟ ΠΡΟΕΤΙΜΑΖΜΑΝ ΚΕ Ι ΑΠΟΛΙΜΑΝΣΙ ΤΙ ΣΠΟΡΙΟΝ.

Για το σπύριμον πρεπ να πέρκυνταν ασο Γιτ καθαρα σπόρα.

Ατα τα σπόρα έχνε πρατσέντον θλάστισις (θςχόζζεστ) 85-92.

Τα σπόρα πρεπ να επιμάγυνταν με τον λογαριαζμον 100  
γραμάρια σέναν εχταρ φίτεμαν καπνυ.

Τα σπόρα τι Γιτ κι χριάσσετε να γίνταν σιμπλιροματικα σορ-  
τιρόφχαν· αλόμος κι πιαζ πριν ασιν πραράσσιθανιαν να γίνταν σορ-  
τιρόφχαν τα σπόρα. Σορτιρόφχα (διάλεγμαν) γίνετε με το να βάλ-  
κυνταν τα σπόρα σο νερον.

Σίρνε τα σπόρα απεσ σο νερον, ανακατόνατο κάμποσα φορας  
κε εχίνα τα σπόρα ντο πλέβνε απανκεσ εδγάλνε κε χάνατα. Ατα  
κι γιαραέβνε για το σπύριμον.

Τα σπόρα, όσπυτα να γίνταν πραράσσιθανιαν, πρεπ να φιλά-  
γυνταν σε μέτριον κσερον μέρος, σε χτίριον όπου απεσ κι άφτνε,  
όχι όμως σε δυνατον παγοσίαν. Σατα τα υσλόθιασ κιόλιγοστ:6 το  
πρατσέντον τι θλάστισις τι σπορίον. Ασόλον καλίον σπόρα λογα-  
ριάσκυνταν τα δίχρονα κε τα τρίχρονα.

Περισον κεν να γίνετε δοκιμαστικον πραράσσιθανιαν τι σπορίον  
αλόμος πρεπ κανις πολα αφστια να εφαρμοζ τα ιπόδικσια ντο δίγ-



νε σατο κεκα ι αγροτεχνικι ι δουλεφτάδες (αγρονομ, αγροτέχνικι κ.τ.λ.).  
Κε ατο το δοκιμαστικον ι πραράσσιβανια γίνετε, αν εβρίονταν στον  
παρον υσλόβιας, πυ να επιτρέπνε να γίνετε όπος πρεπ ταχτικα το  
δοκιμαστικον ι πραράσσιβανια.

Ι πραράσσιβανια τι σπορίον εν έναν ασα τροπς ταγόνα για  
το ανότερον τιν εσοδιαν. Τα τελεφετέα τα δουλιας τι Γιτ έδixσαν,  
πος τα σπόρα τι κίτρινυ τι καπνυ πρεπ να γίνταν πρατράβλιβανι-  
αν για να προφιλάετε ι ρασάτα απο κάπια κολιτικα αρόστιας· κε  
ακόμαν ατο ι πρατράβλιβανια πρεπ να γίνετε κε για άλα ετίας,  
τα οπία όσον έπρεπεν κεμελέτισανατα ακόμαν.



Εβγάλνε τα ράμκας κε τα πεαθία (Απίνσκαγια)

Εμιας ειστένομε όλια τα καπνοφιτεφτικα τα κολχόζια να εφ-  
τάγνε πρατράβλιβανιαν τα σπόρα, ιποχρεοστικα αφκα σο άμεσον τιν  
καθοδίγισιν ταγρονομ.

Τα σπόρα τι καπνυ γίνταν πρατράβλιβανιαν απες σιν διάλισιν  
τι λιάπισ (αζοτνο-κίςλοε σερεπρο). Τα σπόρα γίνταν πρατράβλιβανι-  
αν ίσα-ίσα πριν ασιν πραράσσιβανιαν.



Η διάλυσι ετιμάετε αετι: σε 1 κοματ (ζίγιν) λιάπισ πέρνε 1000 νερον (τεμιακ 1 γραμ. λιάπισ χριάσσετε 1000 γραμ. νερον).

Τα σπόρα σε σακυλαπεσ φοσιούνταν σε το τιν διάλυσιν κε κρατίουνταν εκιαπεσ 5-10 λεπτα. Κεπεκι διακλίσκουνταν καλα-καλα 5-10 λεπτα. Καλίον εν τα διακλίσκουνταν σε τρεχόμενον νερον.

Αν κεβρίετε τρεχόμενον νερον, πρεπ το νερον με τάπιον διακλίζνε τα σπόρα ναλάετε όχι ολιγότερον απο 3 φορασ.

Κεπεκι τα σπόρα ντο εγένταν απολίμανσιν, εφτάγνατα πραράσσιβανιαν με το σινιθιζμένον τον τρόπον.

## Ε. Ι ΠΡΑΡΑΣΣΙΒΑΝΙΑ ΤΙ ΣΠΟΡΙΟΝ

Ασολον το καλον ι θερμοκρασία για τιν πραράσσιβανιαν εν 30-31 βαθμυς σε Τσέλτσι το θερμόμετρον απαν.

Τα σπόρα γίνταν πραράσσιβανιαν σε σακυλόπα ντο κιν πολα πιχτα. Το καθέναν σακυλόπον πρεπ να περ 0,5 κιλ. αλα με αγίκον λογαριαζμυν, όστε ίστερα, ασο προκαταρχτικον το βρέξιμον κε σε προτσεσ τι πραράσσιβανιασ τα σπόρα να εβρίουνταν απεσ σε σακυλόπον ελέφθερα κε όχι πιχτα.

Τα σπόρα ντο εσέβαν σε σακυλόπα δρέχυνταν σε διάστιμαν 12 όρασ σε χυλεν νερον.

Ασατο κιστερια τα σπόρα διακλίουνταν κάμποσα φορασ; όσπου το νερον ντο κσιίετε σε σακυλόπον να μι εν καθαρον.

Ιστερια όλεν το περισον το νερον εβγεν, τα σπόρα αναφυντουριάνουνταν απεσ σε σακυλόπον κε τα σακυλόπα, αν ιν κάμποσα, σε πολκασ με σέτκασ γιάχοτ τσιχένια (απο χολστ) σε αντίστιχον χτίριον γιάχοτ απαν σονπέτζκον. Σα τελεφτέα τα δύο τα περιπτώσια πρεπ πολα προσεχτικα να γίνετε ι πραράσσιβανια, για να μι χασσέφκουνταν τα σπόρα κε γενικα να μι χαλάουνταν.

Αποπαν πρεπ να τζιλιάνουνταν τα σακυλόπα, για να μι κσερένετε με το παραπαν ταπαν το κατ τα σπόρα.

Κάθαν βράδον πρεπ για κάμποσον κερν να κατιβεν ι θερμοκρασία 6-7 βαθμυς για να γίνετε καλίον ι πραράσσιβανια κε να



περισσότερο πρατσέντον τι φιτροματι (βλάστισις). Τα σπόρα ντο  
εγένταν παραρξσιβανιαν πρεπ καθιμερνα να τερύνταν κε αν εν ανάν-  
κι να σπονχύνταν ολίγον κι αετς να χάτε το περισον ι ιγρασέα.  
Ι παραρξσιβανια τελιον, όνταν φένταν άσπρα κυδυκόπα.

## ΜΕΡΟΣ ΤΡΙΤΟΝ

### 3. ΤΑΝΙΚΣΕΖΝΑ ΤΑ ΒΑΣΙΚΑ ΤΑ ΔΥΛΙΑΣ ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ

Τα βασικα τανικσεζνα τα δυλίας σο ρασάτνικον ιν: το σπέρσι-  
μον κε ι ζατέλκα τι σπορίον, τάρδεμαν, το ίσκηιαζμαν το τζαντιγ-  
μαν, το τσακέλιγμαν, το ενιαζματικον το τζάντιγμαν, το αρέομαν  
κε ι προείμασία τι ρασάτας γιζ το φίτεμαν.

Ατα τα δυλίας πρεπ υποχρεοτικα να γίνταν ασα 25 φεβρου-  
αρίυ υς 10 τι κερασινω.

#### Α. ΤΟ ΣΠΙΡΣΙΜΟΝ ΚΕ Ι ΖΑΤΕΛΚΑ ΤΙ ΣΠΟΡΙΟΝ

Αντίστιχα με το ιμερολογικον το πλάνον τι φιτεματι, με το  
εκσασφάλιζμαν με εργατικον δίναμιν, ελχτικον δίνζμιν, με ινθεν-  
ταρ, κε ματεριάλια, το σπέρσιμον τι σπορίον σα παρνίκια πρεπ να  
γίνετε κάμποσα φορας, με διαλίματα σατα αναμετακσι κάμποσα  
ιμέρας.

Πρότα-πρότα το σπέρσιμον γίνετε σιμπσόθερμα τα παρνίκια,  
ιστερια σα κρία τα γριάτκας κεπεκι σα παρνίκια αφκα σα τζαμλία  
τα ράμας.

Όλεν το σπέρσιμον τι σπορίον γίνετε ανάμεσα σα 1 Μαρτι  
κε σα 20 Απριλι. Προτυ να γίνετε το σπέρσιμον, προσεχτικα ισά-  
γετε ταπαν το μέρος (ι επιφάνια) τι παρνικίον κε τι γριατίον,  
όλια τα κύσστια κοματιάουνταν κε ι επιφάνια σπιχτεν με τραμπόφχαν.

Κεσίετε κε νερον για να εν όλεν το χόμαν τι παρνικι εκσίσυ  
ιγρον κε όχι κσερον.



Για να σπέρκουντάν τὰ σπόρα ισόμετρα πρὲπ νὰ ἀνακατόνατὰ με τανακάτομαν τι παρνικι με λογαριαζμον έναν γραμάριον ανακάτομαν σο έναν γραμάριον σπόρα.

Το σπέρσιμον τι σπορίον επορι να μηχανοπιίτε. Γιατατο θα λέγομε κιαλαφκα.

Τερκιαντιαν τα σπυρσίματα καλίον εν να γίντάν με κσερζ σπόρα, τα κατοπινα με φιτρομένα (πραρόσσειν).

Ι πέρα δικ, ότι καλίον εν να σπέρκουνταν σιντάραρα τα φιτρομένα τα σπόρα με τα κσερα απαν αφκα 750/ο φιτρομένα κε 250/ο κσερα. Απαν σα σπόρα ντεςπάρθαν κσιέτε τανακάτομαν τι παρνικι σε πάχος 3-4 μιλίμετρα ( $1/2$  μολιθοκόντιλον) κε εφτάγνα ο τραμπόβκαν.

Αν κσιίνε κιάλο πασσιν κατ αργος φιτρόνε τι σπόρα κε ακόμαν ατο επορι να καταστρέφιατα. Τζιπ λεγνον πα αν εν το κατ τι παρνικι τανακατοματι, επορον ζον κερων τάρδεματι να διαβένε α τα σπόρα.

Ιστερα ασιν πρισίπκαν κε ασιν τραμπόφκαν υποχρεοτικα πρὲπ να αρδέφκετε το παρνικ με παλιβάλκαν ντο εσσ πσιλα τριπία. Κεπεκι σκεπάζνατο με το έναν γιάχοτ με τάλο το σκεπάζμαν.

## Τ. ΤΑΡΔΕΜΑΝ (ΠΑΛΙΦΚΑ)

Τανεγρίκιστον τάρδεμαν εν βλαβερον για τα βλαστάρια τι ρασάτας, κε βοιθα να αναπτύουνταν λογισ τυ λογισ κολιτικα αρδστιας.

Για να εν κανονικον τάρδεμαν πρὲπ ασιν ιμέραν σιν ιμέραν να στοσζέφκετε ι ιγρασία τεπιφάνιας τι παρνικι καθος κε πόσον ιγρον εν το χόμαν αφκα σιν ρασάταν.

Το χόμαν αφκα σιν ρασάταν πρὲπ να εν ιγρον, διλαδι να μι κολίετε σα δάχτιλα τι σσει.

Αμέσος ιστερα ασο σπέρσιμον κιονταν τα βλαστάρια ιν πολα μικρα πρὲπ ναρδεβ κανις με παλιβάλκας ντο έχνε μικρα τριπία, ολιγότερον, αλα σιχνότερα, ιλιαμ-ιλιαμ σα ζεστα τα ιμέρας κιονταν εν αέρας.



Οταν αρχινα ι ρισάτα να σκεπαζ με τα φιλόπαθε το χόμαν. πρεπ τάρδεμαν να γίνετε κιάλο, αρέα, αλόμος σε έναν φοραν να δι κανις παραπαν νερον.

Ερκιαντιαν τιν άνικσιν, ονταν ο αέρας εν κρίς, κιαλο καλίον εν τάρδεμαν να γίνετε τις ιμέρας σε θερμον κερν καλίον τάρδεμαν να γίνετε αποβραδισ.

Σα ζεσσα τα όρας τιμέρας επορούμε να αρδέβομε τι ρασάταν αλόμος πρεπ πριν ασάρδεμαν να ισσκιάζοματο, για να κριον.

Ασόλεν καλιον νερον λογαριάετε τι θρεσσις το νερον κε τι ποταμι, κεπεκι τι πεγαδι κε τι κυι.

Αν τίςσκιαγμαν γίνετε σιχνα, ατότε ολιγότερα αρδέματα χριάσκυνταν.

Τάρδεμαν τι παρνικι απιμάκρια δι καλίον αποτελέζματα παρα απιμάλια τι παρνικι.

Σο πρότον τιν περίοδον τι πεσλεεματι τι ρασάτας, διλαδι ασον κερν τι σπιρσιματι όσπυ ι ρασάτα αρχινα να σκεπαζ το χόμαν με τα φιλόπαθε, εν καλον να γίνταν δύο αρδέματα — έναν τον πυρνον κε ταλο αποβραδισ.

Σο 2-ον τιν περίοδον, διλ-δι ονταν ι ρασατα „σκον τοτία“ κάθαν ιμέραν αποβραδισ γίνετε καλον άρδεμαν.

Σο τρίτον τιν περίοδον, ονταν ι ρασατα εν σχεδον έτιμον να φιτέφκετε σο χοραφ, αρδέφκετε τα δύο ιμέρας μιάν πόλικα αποβραδισ.

Σο δέφτερον κε σο τρίτον τιν περίοδον, ιστερα ασα νίχτας ντο έχνε πόλικον νιαμ (δρόςον) πρεπ να γίνταν λαφρα πυρννεζνα αρδέματα για „κρύι οπισ σο νιαμ“.

## Γ. ΙΣΣΚΙΑΓΜΑΝ

Τα βασικα προβλίματα, ντε λιν το ιςσκιαγμαν ιν:

1) Ιπερασπιζ τα νέικα τα τιλικάτκα τα βλαστάρια τι ρασάτας ασα αργόςκα τανικσεζνα τα παγοςέας κε γενικα ασα κριάδας.



2) Ιπερασπιζ τιν ρασάταν ασο χαλαζ, ασα τιπία, ασα κσερα ταέρας, κι ασο δινατον τίλιενος τιν κάπσαν.

Για εσκεπάζματα επορυν να χρισιμέθνε έναν σιριν λογισ τυ λογιον ινθενταρ όπος: πσαθία, ραγόζζα κε σαλόμας, τσικιν κε άλα.



Τζακελίζνε τι ριζάταν

Τα τζαμλία τα ράμας πα επορυν να γιαραέθνε οσαν εσκεπάζματα. Αλόμος για να προφιλάγετε ι ρασάτα σα χρία τα νίχτας ασιν παγοσίαν κε ασο χαλαζ χριάσκουνταν συμπλιοματικακε πσαθία.

Ονταν πεςλεέφχετε ι ρασάτα αφκα σα τζαμλία τα ραμας, πρεπ το κηριότερον τιν προσοχιν να δίγομε σο εκσις: να αερίζοματο ορθα με τον κερυν κε όσον πρεπ.

Σε έναν εχταρ καπνυ πρεπ να λογαριαζ κανις 25 ράμας. Με τατόσα ράμας επορι να εκσιπιρετίετε χρισιμον έχτασι τι ρασάτικυ για 2 εχτάρια καπνιον, αν ασέναν το παρνικ θα κοβαλιούνταν τα ράμας σάλο για να αηλιγορεβ το τράνεμαν τι ρασάτας. Γιατατο πρεπ όλια τι παρνικι τα γριάτκας να έχνε καρόπας.



Κι θα εκσοδέβουμε κερον για να περιγράφομε τα θετικά κε τα αρνίτικα πιότιτας ντο έχνε τα πσαθία κε εάλα τα ματεριάλια κε σο ινθενταρ ντο κυλανέφκυνταν για το ίσσκιαζμαν· θα λέγομε μόνον κάμποσα λόγια για τιν σιμασίαν τισσκιαζματι κε πότε κε πος να γίνετε.

Το ίσσκιαζμαν όνταν γίνετε ορθα κε με τον κερον, ολιγοστεβνε ταρδέματα, θα ιπι ολιγοστεβ κε τεκσοδιάζμαν τι νερο.

Σα ζεστα τα ημέρας κι όνταν φισα αέρας, το ίσσκιαζμαν προφιλατ τα νείκα τα βλαστάρια. Οσπυτα ι ρασάτα κι εσκεπαζ το χόμαν με τα φιλόπαθε, τα παρνίκια κε τα γριάτκας όλεν τον κερον εβρίουνταν αφκα σα εσκεπάζματα, εκσον εκίνο τον κερον ονταν τα παρνίκια αρδέφκυνταν κε αερίσκυνταν.

Ονταν ι ρασάτα εσκεπαζ το χόμαν με τα φιλόπαθε, το ίσσκιαζμαν εν οφέλιμον μόνον τζιπ σα ζεστα τα όρας τι μέρας, ιλιαμ-ίλιαμ αν φισα δυνατον κσερον αέρας γιάχοτ αν τα βλαστάρια εν αρέα.

Ονταν πέρλιαμπιρ αλαζ ο κερος κε απο ιγρον κε κρίον γίνετε ζεστον — πρεπ δύο ημέρες να ισσκιάετε ι ρασάτα.

Επίσις εν οφέλιμον το ίσσκιαζμαν τι ρασάτας κιατότε όνταν σε ζεστον ημέραν ρυζ βρετσι, κε ιστερια ασατο κσαν αρχινα ζέστι.

#### Δ. ΤΟ ΚΣΣΙΣΙΜΟΝ ΤΙ ΠΕΡΕΓΝΟΙ ΓΙΑΧΟΤ ΤΑΝΑΚΑΤΟΜΑΤΙ ΤΙ ΠΑΡΝΙΚΙ

Σιχνα για το κςσίσιμον κυλανέφκετε αίκον ανακάτομαν παρνικι, άμον ντό επίγεν για το φόρτομαν τι παρνικι.

Αρ γιατατο, ονταν ετιμάετε τανακάτομαν τι παρνικι, πρεπ να ετιμάετε το χριαζόμεναν το ποσον για ζαπας για να κςσίετε ιστερότερα απαν σιν ρασάταν.

Σόλεν τιν περίοδον τι πεσλεματι τι ρασάτας ι πρισίπκα γίνετε 3-4 φορές.

Το πρότον ι πρισίπκα γίνετε απαν αφκα όνταν ι ρασάτα σχιματιζ „σταβρον“.



Ίστερα ασα καθαέναν πρισίπκαν πρεπ υποχρεοτικά να ρδέφκετε ι ρασάτα. Ίστερα ασα 10-12 ιμέρες εφτάγνε το 2-ον τιν πρισίπκαν κε ίστερα απο 8-10 ιμέρες το τρίτον.

Ίστερα απο σιμαντικον θίπορκαν πρεπ σιν ρασάτα υποχρεοτικά να γίνετε πρισίπκα κε να αρδέφκετε.

Ι πρισίπκα πρεπ να γίνετε οσαν μέσον για γιάτρεμαν, ονταν ι ρασάτα αροστέν, υποχρεοτικά ίστερα ασο τσακέλιζμαν, ασιν θίπορκαν κε στότε, όνταν ταπαν το κατ τι παρνικι κε τι γριατίον άσσκεμα κραιι τιν ιγρασίαν.

Ι πρισίπκα καλύτερεθ τιν τροφιν τι ρασάτας, βοιθα να δυναμόνε τα ρίζας κε να σχηματίυνταν παράλληλα σα γιάνια.

Το πάχος τι πρισίπκας πρεπ να μι εν παραπαν ασα 1<sup>1</sup>/<sub>2</sub>-2 σαντίμετρα.

## Ε. ΤΟ ΤΣΑΚΕΛΙΖΜΑΝ ΤΙ ΠΑΡΝΙΚΙΟΝ ΚΕ ΤΙ ΓΡΙΑΤΙΟΝ.

Τάχπαγμαν. ταγροχορταρίον εν έναν ασα ακριβα τα παραγογικά τα προτσέσια σο πεσλέεμαν τι ρασάτας ίλιαμ-ίλιαμ ονταν ίνε πολα αγροχόρταρα σα παρνίγια κε σα γριάτκας.

Εκσον ατο ονταν γίνετε το τσακέλιζμαν, σιχνα αχπάετε εντάμαν με ταγροχόρταρα κε ι ρασάτα γιάχοτ κόπυνταν τα ριζόπαθες κιαετς κόφκετε ι σχέσι ανάμεσα σα ρασάτας κε σο χόμαν.

Τα βασικά τα υσλόθιας για να ολιγοστέθνε ταγροχόρταρα σα παρνίγια ιν: ονταν γίνταν ταχτικά κε με τον κερν τα θυλίας σο καθάριζμαν τι ρασάτνικυ ίστερα ασιν θίραποτκαν, ονταν θυλέφκετε καλά το χόμαν κε τα παρνίγια κε χυλίτε τανακάτομαν τι παρνικι.

Το τσακέλιζμαν ασόλον καλύτερον εν να γίνετε σα λιθομένα τα ιμέρας.

Σα ζεστα τα ιμέρας πριν να τσακελιζ κανις πρεπ να ρδεθ τα παρνίγια κε τα γριάτκας κε να ισκιιάζιατα.

Όνταν γίνετε το τσακελιζμαν σα ζεστα τα ιμέρες, τα παρνίγια κε τα γριάτκας κρατίυνταν ανιχτα μόνον σεκίνα τα μέρια, όπου άμεσα γίνετε το τσακέλιζμαν.



Ονταν τελιον το τσακέλιζμαν, ατα τα μέρια ιςσιχιάουνταν, κι-  
ονταν κρού οπισ ι ζέστια, διλαδι ονταν συμον να θραδιν εφτάγνε  
πρισίπκαν κε αρδέβνε τα παρνίγια κε τα γριάτκας ντετσακέλτσαν.

## Z. TO ENIAZMAN TI PΑΣΑΤΑΣ.

Για το ένιαζμαν τι ρασάτας κυλανέβνε:

1) Καλον χυςσκ, κηρίος προατι γιάχοτ χτινι, γιάχοτ ανακάτομαν  
παρνικι, όπος πρισίπκαν για το οπίον ίπαμε παραπαν.

2) Τα μεταλικα ενιάζματα—συπερφοςφατ κε σερνοχίςλι αμόνι  
τα οπία θάλλκυνταν άμεσα σα παρνίγια κε σα γριάτκας πριν να σπύρ-  
κυνταν τα σπόρα, (ένιαζμαν πριν τι σπορας) γιάχοτ σε διάλισιν  
απες σο νερον (ενιαζματικον άρδεμαν).

3) Για τένιαζμαν τι ρασάτας επορι ακόμαν να κυλανέφκετε  
ι τσινέα τοσπιτιανον τι πυλίον κε ι διάλισι τι μυρταροσίγιας ταν-  
θροπίον.

Αδακα κι θα αναφέρομε τα πράβιλας ποσ να προετιμάγυνταν  
τα ενιάζματικα ταρδέματα κε ντο νόρμα να κυλανέφκετε εμ σο  
άρδεμαν εμ σα ενιάζματα ονταν θάλλκυνταν κσερα.

Γιατατο πρεπ σα καθαέναν κσεχοριστον περιστασιν να πέρνε  
ιπόδιχσια ι χολχόζνικι ασο αγρονομικον το προσοπικον, ντο εκσιπι-  
ρετα το καπνοφιτεφτικον το κολχοζ γιάχοτ το καπνοφιτεφτικον τιν  
φέρμαν.

Τενιαζματικον τάρδεμαν καλίον εν να γίνετε αποθραδισ.

Ιστερα ασα καθλέναν ενιαζματικον άρδεμαν πρεπ ι ρασάτα να  
κατενίετε με καθαρον νερον.

Για να μι ι ρασάτα γίνετε πολα νιαζίκον κε μακριν πρεπ  
τενιαζματικον τάρδεμαν να σταματα δύο εβδομάδας πριν ασιν θί-  
πορκαν τι ρασάτας.

Σιν πραχτικιν σιχνα κυλανέβνε τενιαζματικον τάρδεμαν ατότε  
ονταν σταματα το τράνεμαν τι ρασάτας ασο όχι μέτριον άρδεμαν.



Σαίκα περίσταςια τενιαζματικον τάρδεμαν όφελος κι δι κε κάποτε βλαφτ κέλα. Σαίκα περίπτοςια πρεπ πρώτα-πρώτα να κσε ρένουνταν τχ παρνίκια κε τα γριάτκας.

## Θ. ΑΡΕΟΜΑΝ ΚΕ ΠΡΟΕΤΙΜΑΖΜΑΝ ΤΙ ΡΑΣΑΤΑΣ ΓΙΑ ΤΟ ΦΙΤΕΜΑΝ

Τα πικνα τα βλαστάρια πρεπ να αρεύνταν με το τσακέλιζμαν κε σατο εκίνος (γιάχοτ εκίνε) πυ τσακελιζ περ μεμιας όχι απέναν φιτανόπον αλα απο κάμπουσα.

Ονταν τα βλαστάρια ιν πολα πικνα, ταρέομαν γίνετε με τα σιδερένια τα γράπλιας κι ασόλεν καλιον εν, αν επέμνεν ακόμαν κερως να σπέρκουν εκ νέυ σπόρα.

Ι ρασάτα, ντο πάι σο φίτεμαν, πρεπ να εν ταμάμια εφταζμένον κε κατάλιλον για εκίνα τα υσλόβιας ντο γιαρατέφκουνταν για τατο σο χοραφ.

Αν ονταν τιλιγς τι ρασάταν ολόγερα σο δάχτιλον το κυντσίναθε κι τσακύτε κε κι κυράγετε, ι ρασάτα λογαριάσσετε εφταζμένον.

Τεφταζμένον ι ρασάτα ες κυντςιν μάκρος 6-7 σαντ. υς τοματ (πότζκα), 5-6 φιλόπά, χορις να λογαριάζομε τα 2 προτόφιλα.

Με αντίστιχον περιπίςιν επορούμε να αγλιγορέβομε το έφταζμαν τι ρασάτας όπος λογοχάριν: 2 ιμέρες πριν ασο φίτεμαν σταματα τάρδεμαν, αντίστιχα με τον κερων κε τιν θερμοκρασίαν αρχινυν κεδγένε τα σσκεπάγματα τι νίχταν κάμπουσα ιμέρες πριν ασο φίτεμαν, σταματα τενιαζματικον τάρδεμαν κε το ίσσκιαζμαν, εκσον εκίνα τα μομέντια ονταν τα σσκεπάγματα θα ιπερασπίσκουνταν τι ρασάταν ασο χαλαζ.

Ταίχον ι περιπίςι δι το μινκιν σι ρασάταν ενανκσαι να σκλιρεν κιατο εκσασφαλιζ τι ρασάταν να ιποφερ τα υσλόβιας ντο γιαρατέφκουν για τατο σο χοραφ κε τα οπία ιν ολιγότερον εβνοικα παραβαλόμενα με τα υσλόβιας τι παρνικι γιάχοτ τι γριάτκας.

Το καλον το κατάλιλον για το φίτεμαν ι ρασάτα ες φρέσκα άσπρα γερα ριζόπα.



Οταν αγπάετε ι ρασάτα ασα παρνίκια κοβαλίετε σο μέρος, όπου θα φιτέφχετε, πρεπ να τερύονταν έναν σιριν πράβιλας. Ατα τα πράβιλας σιμιώνταν σο 6-ον τιν πριλαζζένιαν.

#### 4. ΤΟΡΓΑΝΟΜΑΝ ΤΙ ΔΥΛΙΑΣ ΣΟ ΡΑΣΑΤΝΙ ΤΟ ΝΙΚΟ-ΚΙΡΙΟΝ.

Το καθαέναν κολχοζ κε απες σατο το καθαέναν το κίπνο-φιτεφτικον φέρμα, πρεπ με τον κερον να καταρθόνε τα παραγογικα τα πλάνατον κε να επεκσεργάσκουντανατα πλατέα με τακτιβ κε με όλεν τιν κινονικότιταν.

Οταν καταστρότε με τον κερον το παραγογικο-ικονομικον πλάνον, επορουν ορθά τακτικα κε με τον κερον να οργατύνταν κε να εχτελίονταν τα δυλίαις.

Το πλάνον πρεπ απεμπροστα να προβλεπ όλ α τα δυλίαις πρεπ να εχτελίοντάν αντίστιχα με τα διορίαις ντι οριζ το πλάνον.

Ταχτικα πρεπ να ορίσσχετε πότε θα γίνταν τα δυλίαις. Πρεπ να δίχχετε πυ, πότε κε πως θα γίνετε το έναν γιάχοτ τάλο ι δυλία, ντο χριάσσχετε για να εχτελίετε τέναν γιάχοτ τάλο ι δυλία—ατα όλια εντάμαν ιν τοργάνομαν τι δυλίαις, διλαδι τορθον τοργόνομαν τι παραγογικις.

Ο ς. Πόστισσεφ σο XVII το κοματικον τιν κονφερέντζιαν ιπέδιχσεν πως ακόμαν κεγένον όσον έπρεπεν δυλία σοργάνομαν τι κόπυ, σο μίριαζμαν τι δυλίαις απες σιν παραγογικιν, σο όριζμαν τι νόρμας, σο ότι κεβάλλθεν το χριαζόμενον ι πάζα για να περάνε όλια τα δυλίαις σιν αποκοπιν.

Αίχον κατάστασι τιχεν όχι μόνον γενικα σαγροτικον το νικο-κιρίον αλα κε ιδιέτερα σιν καπνοφιτιαν.

Για να γίνταν επιτιχιμένα τα δυλίαις σο ρασάτνι το νικοκιρίον πρεπ ορθα κε ταχτικα να οργανότε ι δυλία σα κολχοζια.

Σα καπνοφιτεφτικα τα φέρμας πρεπ όλια τα δυλίαις να εφτά-γνατα οργανομένα ιδικεβμένα πριγάτας.



Ι πριγάτα ντο εν ορθα οργανομένον πρέπ ναπαντα σακόλυθα τα υσλόβιας.

α) Να ες παντοτινον ασταβ κολχόζνικυς.

β) να εκασφαλιζ όστε ταμάμια να λικβιταρίετε ι απεζλίτζκα σελχτικον τιν δίναμιν, σο ινβενταρ κε σο χόμαν, κε ι υραβνίλοφκα σιν πλερομιν τι δουλίιας.



Παρνίκια αφκα σα τζαμλία τα ράμκας.

γ) να οριζ άμεσον εφθίνιν για τιν πιότιταν τι δουλίιας κε για τεχτέλεμαν τι παραγογικυ τι ζατάνιας.

δ) να εκασφαλιζ όστε ι κολχόζνικι κε όλεν ι πριγάτα να δίχνε τζιπ τρανον παραγογικον προτοβυλιάν σο μίριαζμαν κε σο μεταχίριζμαν τεργατικυ τι δίναμιν κε τινβενταρι, σανίβιζμαν τι παραγογικότιτας τι δουλίιας με βάσιν τιν αποκοπιν κε το καλιτέρεμαν τι κολεχτιδικυ τι παραγογικις.

Για το τράνος τι πριγάτας βάσιν πρεπ να εμπεν το παραγογικον το πρίντζιπ. Ανάλογα με το εργατικον τιν δίναμιν ντο χρι-



έσχετε να φτεβ κε να δυλεβ έχτασιν καπνυ όσον κανίτε για σταν-  
τάρνι σαράι, γιάχοτ κσεραντερ, προζδιορίετε πόσι κε πίοσ κολχόζνι-  
κι θα αποτελυν τα καπνοφιτεφτικα τα πριγάτας.

Κε σατο απαν επορι να προζδιοριζ κανις ότι σο καπνοφιτε-  
φτικον τιν πριγάταν πρεπ να εμπένε 45-50 κολχόζνικι.

Τι πριγάτας ι υτζάστκα 20-25 εχτ. (όσον επορι να δεβαζ σο  
σεζον έναν κσεραντερ γιάχοτ σαραι) πρεπ οσαν πράβιλα να χορίετε  
σέναν μέρος κε να γίνετε για το ολόεν χρόνον ζακρεπλένιαν σο  
παντοτινον το καπνοφιτεφτικον τιν πριγάταν 45-50 κολχόζνικυς.

Με βάσιν το παραγογικον το πλάνον τι κολχοζι, δόγχετε σα  
καθαέναν καπνοφιτεφτικον πριγάταν παραγογικον ζατάνιαν. Σατο τιν  
ζατάνιαν σιμίωνταν τα μέσα τι παραγογισ (ελχτικον δίναμι, ινβεν-  
ταρ, τεχνικα σααρυζζένιας όπος κσεραντερ, σαράι) ντο γίνταν ζα-  
κρεπλένιας σιν πριγάταν, το νόμερον τυτζάστκας, ταχρονομικα τα  
μέτρα. σα πιον προθεζμίαν πρεπ να εχτελιόνταν τα βασικα δυλίαις.  
σιμιώτε ακόμαν ι ζατάνια τι εσοδίασ κε το ποσον τεργατοιμερον.

Απεσ σιν πριγάταν πα πρεπ να γίνταν πικρεπλένιαν ιδιέτερι  
κολχόζνικι σα μέσα τι παραγογισ: μιχανας, ινβενταρ, ελχτικον δί-  
ναμι. Ατιν ι κολχόζνικι θα δυλέβνε απαν σατα τα μέσα τι παραγογισ.

Για να εχτελίετε καλίον το χρονιακον ζατάνια πρεπ να δόγχετε  
σιν πριγάταν πλάνον — ναριατ για περίοδον το οπίον οριζ νιχυ-  
τριχυ το απιομ κε τιν προθεζμίαν γα όλια τα δυλίαις.

Σιν περίοδον, όνταν κεπορυν σινεντέλιαν να γίνταν ναγρούζκαν  
ι κολχόζνικι σιν πριγάταν (περίοδος ονταν ετιμάετε το ρασάτνι το  
νικοκίριον οσ τιν αρχιν τι φιτεματι) ι πριγατιρ κε ι διεφθιντε τι κα-  
πνοφιτεφτικον τι φερμίον ιν ιποχρφομεν να εποφελίοντανατς σάλα  
δυλίαις απεσ σα κολχόζια, γιάχοτ σα γιτονικα τα κολχόζια κε τα  
σοβχόζια. Κε το εναντίον, ονταν ιν παρατεντομένα τα δυλίαις (φι-  
τεμαν, τσάχομαν) ι δίκισι τι κολχοζι εκασαφαιζ το καπνοφιτεφτι-  
κον τιν φέρμαν με σιμπλιοματικον εργατικον δίναμιν, όσον εν ανάνκι.

Εργατικα γρύπας απεσ σιν πριγάταν σχηματίονταν, αλα ατα  
πρεπ να ιν προζορινα για να εχτελυν κσεχοριστα τζεσσίτια δυλίαις



(γρύπα για το γρίζεμαν, γρύπα για το ετίμαζμαν τι χυρσκι, τι κσιλίον κ. τ. λ.) Ο πριγατίρος εν υποχρεομένος να οργανον τα εργατικά τα γρύπας να μιριάζιατς σα δουλίας κε να φερ τιν ζατάνιαν ος τιν γρύπαν. Τον γρυποβότον χορίζιατον ο πριγατίρον ασι καλίον τι κολχόζνικυς-υτάρνικυς. Αλόμος ο γρυποβότον κεν ελεφθερομένος ασο παραγογικον τι δουλίαν.

Ο γρυποβότον εν υπόχρεομένος:

α) να οργανον τι δουλίαν κε να μιριάζ τα δύναμια απες σιν γρύπαν.

β) να εφτάι υτζοτ τιν θίραποτκιν τι κολχόζνικιον, πυ επέραν μέρος σα δουλίας.

γ) να εχτιμα τιν δουλίαν τι κσεχοριστυ κολχόζνικυ κε να λείτον πριγατίρον τιν γνόμινατ, σίναν κολχόζνικον πρεπ να κατιβεν ι εχτίμιζι κε τίναν κολχόζνικον πρεπ να βραβέθνε για τιν πιότιταν τι δουλίας.

δ) νο εφτάι απολογιζμον σον πριγατίρον για τα δουλίας ντο εγένταν κατα κε τον πλάνον.

Ονταν γίνετε υτζοτ ι δουλία πρεπ αφστια να στορσέφκετε να εχτελίονταν τα πισοτικά κε πακαζάτελια· πα υποχρεοτικά πρεπ να ολιγεστέθνε τα εργατοιμέρας ος 35<sub>0</sub>/<sup>0</sup> κε αν ι δουλία εσσαλακλαέφτεν κε κεχτελέστεν ικανοπιυτικά. Κε το εναντ'ον. Πρεπ να εμπεν σίστιμαν να βραβέφκυνταν με χρίματα εκιν πυ παραχτελυν τα ζατάνιας, πυ εχτελυν τα ζατάνιας πριν ασιν διορίαν κε πυ εχτελυν τα χτικά τα πισοτικά πακαζάέλια.

Ολια τα δουλίας, τα οπία για να εκσασφαλίετε τρανον παραγογικότιτα κε να ενδιαφέρκυνταν ι κολχόζνικι καλίον κε κιάλο αγλίγορα να εχτελύνατα επορυν σα καπνοφιτεφτικά τα φέρμας να περυν σιν αποκοπιν, πρεπ να περυν σιν αποκοπιν.

Για να οργανύτε ορθα ι αποκοπι πρεπ να ορίσκυνταν σα κολχόζια ορθα νόρμας θίραποτκας με θάσιν το υτζοτ τι πιας τι καλίον τυτάρνικον τι πριγατίον κε τι κολχόζνικιον-υτάρνικιον, πρεπ ορθα να εχτιμίετε ι δουλία κε με τον κερυν να γίνετε ταχτικον υτζοτ.



Ονταν θα επεκσεργάσκουνταν τα νόρμας πρεπ όσαν βασικον καθοδιγιτικον ματεριαλ να χρισιμέβνε τα νόρμας ντο ιν εο επρά-βοιζνικ το οπίον εκσένκεν το Κραικολχοζεσογιυζ κε το Ινετιτουτ τι Ρεκονετρώκσιας ταγροτικυ τι νικοχιρι. Κε με ατα τα νόρμας πρεπ να καθοδιγιούνταν εα τόπια. Τα νόρμας ντο εκσοδέφκουνταν απαν-αφκα ειμιούνταν ειν πριλαζζένιαν №4

Τα νόρμας τι βίραποτκας κε τι εχτίμιεις τι δουλίας εα εργα-τοιμέρας ειζιτιούνταν κε επικιρόνταν εα εινέλεφεις τι πριγατίον κεπειν επικιρονιατο ι διίικει τι κολχοζι.

Ιετερα αεϋ επικιρον ι διίικει (πραβλένια) τα νόρμας τι βίρα-ποτκας κε τιν εχτίμιειν τι δουλίας εε εργατοιμέρας, πρεπ ατα να φέρκουνταν ος τον καθαέναν κολχόζνικον, να εκειγιούνταν ει κολχό-ζνικυς· αλίος ι αποκοπι θα εεε τιπικον χαραχτίραν.

Τα διορίας, ντο επροζδιόρτεεν το κολχοζ για τα διάφερα, δουλίας εο ρεσάτνι το νικοχιρίον, ιν ιποχρεοτικα για το καθαέναν τιν πριγάταν κε για τον κσεχοριστον κ λχοζνικον.

Ο πριγατίρον όνταν λογαριαζ κε γραφτ εα κνίζζκας τι κολχό-ζνικιον τα εργατοιμέρας, με θάειν το προκαταρχικον τιν επεκσερ-γασίαν τι νόρμας τι δουλίας (βίραποτκα) κε τιν εχτιμιειν τι νόρμας εε εργατοιμέρας κι πρεπ να κσεπερα τ ολικον το ποσον τεργατοι-μέρας ντο εδόχταν ειν πριγάταν. Ατο εν γαράντιαν για το σταθε-ρον τιν πλερομιν τι καθαένος εργατοιμέρας εο τέλος τι χρονίας κατα κε το πλάνον.

Κιαλαπαν ίπαμε, ότι τα δουλίας εο ρεσάτνι το νικοχιρίον ιν όλο λογιον: προετιμαστικα κε βασικα. Τα προετιμαστικα γίνταν απαν-αφκα ασα 15 οχτοβρίο υε Ι ι μαρτι τα βασικα απο 1-ι μαρτι υε 5 απριλι.

Σιστένομε να σχηματιούνταν ιδιέτερα ρεσάτνι πριγάτας τον κερν πυ γίνταν όλια τα δουλίας εο ρεσάτνι το νικοχιριον. Ταίικον ι πριγάτα επορι να οργανύτε αφτεκείσια κε άμα τελιον τα δουλίας να ετίλκετε άμον ντο ετεκ εε άλο τζεσειτ δουλίας.



Σιστένομε ακόμαν κε το ακόλυθον τον τρόπον τοργανομα τι ρασάτινι πριγάτας: όνταν θα γίνταν τα δουλίας σε ρασάτινι το νικοχιρίον, το καθαέναν το καπνοφιτεφτικον ι πριγάτα, χοριζ οριζμένον αριθμον κολχόζνικυς, πυ αμα τελιόνε τα δουλίας σινχονέφκυνταν κσαν σε πριγάταςατυν.

Εμεις λογαριάζομε προς ατο ο τρόπον τοργανοματι ρασάτινι πριγάτας σχηματιζ απες σιν πριγάταν υσλόβιας για το καθεαφτυ το σοσιαλιστικον τιν σορεβνοβάνιαν κε το υτάρνιτζεσιβο. Επιδι όλεν ι έχτασι τι ρασάτινικυ επορι να μιριάετε θα εκσιλιρετιετε ασι δουλεφταδες τινος γιάχοτ καλινεθι τι πριγάτας κε ι ρασάτα ντο θα πέρκετε σατο τιν υτζάστκαν θα φιτέφκετε σιν υτζάστκαν τεκινεθι τι πριγάτας σε οπίον ατιν ίνε μέλι.

Το τράνος τι ρασάτινι πριγάτας εκσαρτίετε ασα εκσις: πόσον εν ι έχτασι τι ρασάτινικυ, ντο ιδικεπισιν (κβαλιφικάτσιαν) έχνε τα μέλι τι πριγάτας, πόσον εν το ρασάτινικον εκσασφαλιζμένον μεματεριάλια κε άλα.

Επορούμε να σιστένομε πριγάταν απο 15-17 κολχόζνικυς για το δυλεμαν σε ρασάτινι νικοχιρίον ντο εςσ έχτασιν για φίτεμαν καπνυ σε 100 εχτ.

Απες σιν πριγάταν επορι κε πρεπ να μιριάετε ι δουλία με το να γίνταν πρικρεπλένιαν κσεχοριστα μέλι τι πριγάτας σε οριζμένα τζεσσιτια δουλίας, λογοχάριν: για το χάσσεμαν τανακατοματι τι παρνικι, για το κοβάλεμαναθε σε γριάτκας, για τιν φορμόφκαν κ. τ. λ.

Κανέναν μέλος τι πριγάτας κι περά σε άλο τζεσσιτ δουλιάν αν κεχτελα τιν δουλιάν ντο ανέθεσανατον.

Καθαέναν τζεσσιτ δουλίας λογαριάσκετε ότι εχτελέστεν, αν εχτελέστεν στον κερων, αν ετερέθεν ι νόρμα τι βιραποτκας (τέρεν τιν πριλαζζένιαν Νο4) αν εχτελέσταν τα ποιοτικα πακαζάτελια τι δουλίας (τέρεν τιν πριλοζζένιαν)

Κι πρεπ να γίνετε υβλετζένιαν για να περύνε ιποχρεοτικα όλια τα δουλίας σε ατομικον τιν αποκοπιν, όπος λογοχάριν: σε



δουλίας για τάνιγμαν κε το τζιλιάζμαν με τα ψαθίτ, σο τσακέλιζ-  
μαν τι ρασάτινικυ, σο καθάριζμαν τι δρομίον κε άλα. Καλίον εν  
ατα τα δουλίας να γίνταν με το ομαδικον (γρυποβι) τιν αποκοπιν,  
κε να χορίουνταν για τατο τι δουλιαν κημποσι ανθρον γιάχοτ, όλεν  
ι πριγάτα. Σατα τα περίπτοσια, για να εχτελιούνταν ορθα κε ταχ-  
τικα ατα τα δουλίας ασον καθαίναν δυλεφταν, βάσι πρεπ να εν το  
κινονικον ι σινιδιτότιτα, το κινονικον ι ενδιαφερτικότηιτα κε ι εφσινι-  
δισία (τοπρόσοβεστνοστ) τι κολχόζνικυ. Κιατο πρεπ σο προτσεσ τι  
δουλίας να αναπτύουνταν με κάθε τρόπον κε να δυναμώνταν σιν σινιδι-  
σιν τι καθαίνος κολχόζνικυ.

Αετς δόχκετε σινεντέλιαν το περιεχόμενον κε ο σκοπον τι  
σοσιαλιστικυ τι σορεβνοβάνιας κε τι υτάρνιτσεστβο.

Ο ς. Στάλιν ίπεν: „Το σοσιαλιστικον ι σορεβνοβάνια λέι:  
μερικι δυλέβνε άσσκεμα, αλ καλα, ι τρίτι καλίον, έφτασον τι καλί-  
τερυς κε κατόρθοσον γενικον ανιβαζμαν“.

Απαρέτιτον υσλοβια για τιν δουλιαν εν το ορθα κανονιζμένον  
το υτζοτ τι δουλίας. Απαν σα πληροφορίας τι γρυποβοτ ο πριγαί-  
ρον εν υποχρεοσ κάθεαν ιμέραν να σιμιον σο τάπελ πόσον δουλιαν  
επικαν το καθέναν μέλοσ τι πριγάτας κε πόσα εργατοιμέρας ανα-  
λογόνατον.

Εναν ασα κηριότερα τα ζιτίματα σαγροτικον νικοκηρίον εν το  
ζιτίμαν τανιβαζμαι τι παραγογικότηιτασ τι δουλίας. Παρα πολα  
τρανον σιμασιαν αποκτα σα υσλόβιασ τι καπνοφιτεφτικον τι κολχοζιον  
ι σιμασία ντο έχνε τα σοσιαλιστικα φόρμασ ταγόνα για το μακσι-  
μάλνι τανιβαζμαν τι παραγογικότηιτασ τι δουλίας.

Το υτάρνιτσεστβο κε το σοσιαλιστικον ι σορεβνοβάνια πρεπ να  
γίνταν αχόριστον κοματ σόλεν το σίστιμαν για τοργάνομαν τι δουλίας  
κε τι παραγογισ σα καπνοφιτεφτικα τα κολχόζα.

Τα σιμφονιτικα τι σοσιαλιστικυ τι σορεβνοβάνιας κε τι υτάρνι  
τσεστβο πρεπ να περιλαμβάνε όλια τα πριγάτας τι κολχοζι κε  
ολτς τι κολχόζνικυσ απεσ σιν πριγάταν.



Το συμφωνητικόν πρέπει να εστί τα ακόλουθα πόνκτια.

Να εχτελιούνταν σιν προθεζμίαν κε πριν τι προθεζμίας κάπια δουλίαις.

Να περιζέβνε τα νόρμας τι θίραποτκας κε τα πιοτικα τα πακαζάτελια σα δουλίαις ντο εχτελέεταν.

Να ολιγοστεθ το κόστιζιμαν τι δουλίαις.

Να γίνετε αγόνας εναντίον σα χασίματα τι εσοδίας.

Να φέρκυνταν προσεχτικα με το ινθενταρ με τελχτικον τιν δίνομιν, με τα χτίρια κε άλλα.

Τα συμφωνητικα πρέπει ασαν πράβιλαν, να γίνταν ταχτικα πραβέρκαν. Τα αποτελέζματα τι πραβερκας πρέπει να φέρκυνταν σιν γνώσιν τακτιθι κίολεν τιν κινονικόττας.

## ΜΕΡΟΣ ΠΕΜΤΟΝ

### 5 Η ΜΙΧΑΝΟΠΙΣΙ ΚΕ Η ΡΑΤΣΙΟΝΑΛΙΖΑΤ-ΙΑ, ΤΙ ΔΥΔΙΑΣ ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ.

Υς το σιμερνον τιν ιμέραν η μιχανοπισι κε η ρατσιοναλιζάττας τι προτζεσιον τι δουλίαις σιν καπνοφ.τ.αν κίνε όσον πρέπει.

Εκζετίας πυ χριάσκετε πολα εργατικον διναμιν σα καπνοφιτεψτικα τα ραγιονια, ιλιαμ ονταν ίνε παρατεντομένα τα δουλίαις, σιχνα κεχτελιούνταν με τον κερον τα δουλίαις κε ατο γίνετε ετια να κρυι κα η εσοδια κε η πιότιτα τι καπνο.

Κε επιδι εκσοδέφκετε πολα ανθρωπ δουλίαν, ακριβεν το κόστιζιμαν τι μονάδας τι προτόκτας.

Σα 25—30 Νοεβριου εγέντον σιν Μόσχαν το πρότον το πανσιδεζμικον η σισκεπσι, για τιν μιχανοπίσις τι μαχόρκας κε τι κίτρινο τι καπνο. Ατο η σισκεπσι έδικσεν προς τα προτζέσια τι παραγογισ τι καπνο επορουν κε πρέπει σινεντέλιαν να μιχανοπίουνταν.

Το κολχοζο-σοβχοζικον το κινον η γνώμι πρέπει να δι μεγάλον προσοχιν κε να επιστρέφκετε για το ζίτιμαν τι μιχανοπίσις κε τι ρατσιοναλιζάττας τι καπνο.



Σα καθάεναν καπνοφιτεφτικον σοβοχοζ κε κολχοζ πρεπ να σχηματίετε ασι ακτιβίστυς τι κολχόζνικυς κι ασεργάτας τι σοβοχοζι, γιατζέικαν για τιν μιχανοπίσιςιν κε τιν ρατσιοναλιζάτσιαν τι καπνοφιτίας' κε πρεπ να διμιουργούνταν υσλόβιας για το αδιάκοπον το καρποφόρον τι δουλίανατυν.

Οφέτος επορυν ταμάμια να μιχανοπιόνταν τα ακόλυθα δουλίας σο ρασάτνι νικοκίριόν: το τζάνιγμαν τι χυσζκι, τι κυμι κε τι χοματι, ντο ετιμάγαν για τανακάτομαν τι παρνικι. Ατο επορι να γίνετε με το σινιθιζμένον τιν θέγιαλχαν, αφυ τσυπόνε τα βεντιλιατορι-αθε (αεριστίρας)

Το χάσσεμαν τανακατοματι τι παρνικι. Το σινιθιζμένον ο τρόπον τι χάσσεματι σα ζζαρόβνιας κοστιζ 16ρ 50x το κιβικον μετρον. Επορι ατο ο τρόπος να αλάετε με χάσσεματι πακ (πραπάροτζνι πακ) με μιχανικον αποφόρτομαν, ντο έβρεν ο μιχανικον τι καπνοσοβοχοζι τι γοριάτζι Κλιυτζ ε. Σβιστυνοφ. Με τατο τον τρόπον το χάσσεμαν ενος κιβικυ μέτρου κοστιζ 48 καπ.(κατα κε τα πληροφορίας τι καπνοσοβοχοζι τι Γορ. Κλιυτζ.)

Το απαρατ ντο ίπαμε εςσ απαν-αφκα το ακόλυθον τιν κον-στρόχτσιαν.

Απαν σα 4 κσιλένια πατστάφκας με πλοσσάτκαν εν θαλμένον πακ με χοντρα ζιγίδια.

Το πσίλοσαθε ασο χόμαν κανονίςκετε αετς όστε σαφκα το πάτομαν να συμον ελέφθερα αραπα για να περ το έτιμον το χάσσεμένον τανακάτομαν τι παρνικι.

Ι διάμετρος τι πακι εν 1 μέτρον, το μάκρος  $1\frac{1}{2}$  μέτρον, ι χοριτιχότιτα  $1\frac{1}{2}$  κιβικον μέτρον σέναν ζαγρόσχαν.

Ταπαν το καπακ κε ο κόλον τι πακι τσυπόνταν ερμιτικα ίστε-ρα ασυ γυμύτε το πακ (διλαδι τσυπόνταν αετς όστε αέρας άλο να μι περα)

Ο κόλον τι πακι αποτελίτε απο 2 ιμσα κομάτια τα οπία μιχανικα ανίουνταν άμα τελιον το χάσσεμαν.



Απες σο πακ εβρίονταν ρολίνας (τρυπάδες) με τριπία. Ανάμεσα ασατα τα τριπία περα ρανακάτομαν τι παρνικι το κσερον ο ατμον ντο πάι ρα ρολίνας ασο παραδικ (λοχομοπιλ) με πίεσιν 7 ατμόσφερας.

Ι παραγογικότιτα ταπαρατι εν 45 κιδικα μέτρα τιν ιμέραν ρα 3 ρμένας. Σα κάθε έναν ρμέναν δυλέβνε 7 ανθροπ κε 2 άλογα.

Ι πιότιτα τανακατοματι τι παρνικι ντο χασσέφκετε με ταπαρατ κεν χιρότερον ασεκίνα ντο χασσέφκετε ρα ζζαρόβνιας.

Επορι κανις να χτιζ πλόκια κε να μιχανοπια το ρκόσιμον τι τζαμλι τι ρόμας.

Επορι κανις να κυλανεβ απλα κσιλένια ρτρονκιλα πάλκας κε μετατο κιάλο αγλίγορα κε κιάλο έφκολα επορι να κλοθ κε μετακλοθ τα πσαθία ρα παρνίκια κε τα γριάτκας.

Το ρσερι τα ρέγιαλκας Κρόυν, ντο έχνε τα ροβχόζια κε τα κολχόζια επορυ να δοκιμάζνατα ρο νιχοκριακον τιν απστανοφκαν για να ρπίρνε τα ρπόρα τα γριάτκας.

Ατα τα ίδια ρέγιαλκας έπορυ να δοκιμάυνταν για τα μεταλικα ενιάζματα να κσιύν ρα παρνίκια κε τα γριάτκας πριν να ρπίρκυνταν τα ρπόρα.

Σον εφοδιαζμον τι νερυ κε ρο άρδεμαν τι ρασάτνικιον επορυ να μιχανοπιύνταν ταμάμια έναν ριραν δυλίαις, κε τα μιχανοπιιμένα πα επορυ να γίνταν ρατςιωναλιζάτςιαν.

Λογοχάριν: το πέραζμαν τι νερυ ανάμεσα ασο ρασάτνικον, με το να χτίετε κανάβα, βοτοραζπόρνι κυία κε πασεινια ασι ρασι τορμία, τα πεγάδια, ασα κιάλια κ.ά. Το να χτίονταν ρμα ρα ρασάτνικα κιάλια κε πασεινια κε να δόχκετε απату νερον με το βουλγαρικον τον τροχον, με τα κεντρόφιλα (τςεντροπέζζνι) τυλόμπας κ.τ.λ.

Επορυ ρα ρασάτνικα να χτίονταν απλα ολύκια ιδραγογιόν (βοτοπροβοτ), να κυλανέφκυνταν τυλόμπες. Ολια ατα ερτενίνε πολα κε αγλιγορέβνε τα προτςέσια τι περλεεματι τι ρασάτας, ταρδεματίαθε ντο ρκόνε πολα δυλίαν.



„Όλεν ι προσόχι σο σοσιαλιστικόν τιν τεχνικιν μερέαν, σιν βιομηχανοπίσιν τι καπνοφιτίας“ αχα το κριώτερον το βασικον το πρόβλημα για ταντιπρόσποψ τεπιστιμονικυ τι σκέψις, τεργάτας-εφεβρέτας κε τα επιστιμονικο-ερεβνιτικα υτζρεζζτένιας, ντο δυλέβνε σιν καπνοφιτίαν.

## ΜΕΡΟΣ ΕΚΤΟΝ

### 6. ΤΑ ΑΡΟΣΤΙΑΣ ΚΕ ΤΑ ΒΡΕΤΙΤΕΛΙΑ ΤΙ ΡΑΣΑΤΑΣ ΤΙ ΚΑΠΝΥ ΚΕ ΠΟΣ ΝΑ ΠΟΛΕΜΥΜΑΤΑ

Σο ρασάτνικον υζζε πρεπ να πέρκυνταν προφιλαικτικα μέτρα αγόνα εναντίον σαρόστιας τι καπνυ σο χοραφ.

Ασα κολιτικα αρόστιας τι ρασάτας ασόλον φοβερα ιν: φυτοσαπίλα (ρασάτναγια γνιλ) ι ριζοσαπίλα (κορνεβάγια γνιλ) κε άλα αρόστιας ντο ονομάυνταν „ριαπύχα“.

Το σιμίον τι „φυτοσαπίλας εν: σο παρνικ γιάχοτ σο κρίον τιν γριάτκαν, σα κεχοριστα μέρι, ι ρασάτα γίνετε άμον μαρεμένον ατα τα μέρι ίστερα απο κάμποσον κερον κλίνε το κιφαλ σι γιν κε ι ρασάτα χάτε. Το καθαέναν φιτανόπον καπνυ κε κηριός το κυντσιν χτιπίετε με πόζκον κε λερον-σταχτερον τοζ.

Ι ετία ταρόστιας κατατάγετε απο έναν παράσιτον γριποκ (ίδος κυκυδακ, παρα πολα μικρον, πυ με το μικροσκόπιον μονάχον επορούμε να χορίζομε το σχίμαναθε) ντο ονομάσσετε Πίτιυμ.

Εβνοικα υσλόθιας για τιν αρχιν κε για τανάπτιζμαν τατινεθι ταρόστιας ιν: όνταν εν με το παραπαν ιγρον το χόμαν τι παρνικι κε τι γριάτκας, όνταν τα φ:τάνια ιν πικνα, κiónταν ο κερον εν θερμον, ιγρον.

Ατο τιν αρόστιαν επορούμε να πολεμύματα ος εκσις: αχπάνομε σίριζα τα φιτανόπα ντο εχτιπέθαν ασατο τιν αρόστιαν κε κέοματα· σο μέρος τάροστυ τι φιτανι κςσίνομε κηρχιωτ γιάχοτ κςσίετε διά-λιςι μέτνι κυπορος με λογαριθζμον 8.0 γραμάρια κέναν θέ-ρον



νερον· επορώμε ακόμαν να κυλανέβομε διάλυσιν φορμαλιν με λογαριαζμον έναν λίτραν φορμαλιν έναν βέτρον νερον. Επορώμε ακόμαν να κυλανέβομε βραστον νερον.

Πρεπ να μι ανασπάλομε προς το μέντι κυπορος πρεπ να γίνετε διάλυσιν απες σε κσιλένεν εσκέβος κε όχι σε σιδερένεν, επειδι σα τενεκεδένια τα εσκέδια χαν τι δίνιμιναθε κε χαλαν το εσκέβος.

Για να προφιλάτομε το ιγινον τι ρασάταν κε να μι κολιζκιατο ασι ριζοσαπίλαν, πρεπ σιχνα κε παραπαν να εφτάμε προτράβλιβανιν κε να κσερένομε τα παρνίγια κε τα γριάτκας, να αρδέβομε πόλικα τι ρασάταν αλα αρεα. Ακόμαν πρεπ να τζαντίζομε τι ρασάταν με ινος πρατσειντι πορτόσκι ζζίτκοστ.

Τα σιμιά τι „ριζοσαπίλας ιν τα ακόλυθα: ι ρασάτα εμπροδολιν κι περ το πόιναθε κι τρανιν κιαρχινα να γίνετε κίτρινον πέρανπερ σόλεν το παρνικ γιάχοτ σιν γράτκαν, γιάχοτ σε κσεχοριστα σα μέρια. Ι ρασάτα σαριλαέβ κε κσερένετε. Τα ρίζας σαριλαέβνε κε κσερένταν. Ι ρασάτα ντο εχτιπέθεν ριζοσαλίλαν εκσακολοθα να ζι σε λογαριαζμον τι σαγλαμ τι ριζιον ντο εβγένε σι ρίζαν κιαν.

Ατο ι αροστιά κατατάγετε ασέναν παράσιτον-γριποκ Γισλιάβιε κάθος κε απο άλα γριπόκια.

Τα εβνοικα υσλόβιας για τιν ανάπτικσιν τατινεθι ταρόστιας ιν όνταν το χόμαν εν βαριν τσαλιμιαρ ονταν αρδέφκετε ι ρασάτα με το παραπαν όνταν εν πικνον ι ρασάτα, όνταν ασον χρόνον σο χρόνον κυλανέφκετε το ίδιον μέρος για ρασάτνικον, ονταν κι χασσέφκετε τι παρνικι τανακάτομαν.

Ατο τιν αρόστιαν επορώμε να πολεμούματο ος εκσις: να τζανίζομε χυσεκ γιάχοτ σινιθιζμένον παρνικι ανακάτομαν, να ισσκιάζομε τι ρασάταν σα ζεστα τα όρας τιμέρας, να κσιόνομε βραστον νερον σα μέρια ντεχτιπέθαν απατο τιν αρόστιαν.

Σιμιά τι αρόστιας „Ριαπούχα“ ιν όνταν φένταν απαν σα φίλα πένκια λογισ-τυ λογιον χόμαν σχίμαν κε τρανος. Τα φίλα αρχινουν κε κσερένταν ασάκρας κιαν.

Ι αρόστια ατο κατατάγετε ασα βακτιρίδια κι γριπόκια ντο θρέφκονταν κε αναπτύονταν σα φίλα τι ρασάτας.



Η ιγρασία τι χοματι κε ταέρα, τα βροχερα τα κερυς ιν εβνοικα υελόδιας για τανάπτιγμαν ταρόστιας.

Τιν „ριαπόχαν“ επορούμε να πολεμούματο με τα ακόλυθα μέτρα: να χυλένομε τι παρνικι τανακάτομαν, να εφτάμε πρατρά-βλιβανιαν τα σπόρα, να τζανίζομε με 1ο/ο διάλισιν πορτόσκι ζζίτκοστ.

Προφίλακτικα μέτρα ιν: να αρδέφχετε ι ρασάτα με τον κερον μόνον αποπυρνω κε έρκιανταν αποβραδισ, για να κσερένταν αμέσος τα φιλόπα: να γίνταν τιζινφέκσια με διάλισιν μέτνι κυπορος (300 γραμάρια σε 12 λίτρας νερον) τα εσέρια κε το ινθενταρ ονταν δυλεβ κανις σο τέρεμαν τι ρασάτας ίλιαμ-ίλιαμ όνταν περα κανις ασα παρνίκια ντο εχτιπέθαν απο αρόστιαν σε παρνίκια με σαγλαμ ρασάταν.

## ΤΑ ΒΡΕΤΙΤΕΛΙΑ ΤΙ ΡΑΣΑΤΑΣ

Το τριπς (πας) επορούμε να πολεμούματο με τζάντιγμαν τι ρασάτας με διάλισιν 1ο/ο πορτόσκι ζζίτκοστι.

Πολα κιαναφέρομε για το τριπς κε για τα ζεμίας ντο δι, επιδι λογαριάζομε πως ι κολχόζνικι-καπνοφιτεφτάδες καλα εκ-σέρνατο.

Ασόλον πολα βλάβιν ει ρασάταν δι το λακοτ (μετθέτκα) γιάχοτ λαχονοτύρτυρον (καπυστιάνκα). Ι καπνοφιτεφτάδες εκσέρνε ντόισον βλάβιν δι το λακοτ.

Αδακα ειμισ θα ειμιόνομε πως το καλίον ο τρόπος να πολεμού-με το λακοτ εν: παρισινον πρασινάδαν, σινταραγον με αλεβρ κε ει-μιτζέλαδον πρεπ κανις νιχυ-τριχυ να εροτα κε μαθαν ασο αγρονο-μικον το προσοπικον πως ετιμάετε ατο τανακάτομαν κε πως κυλα-νέφχετε.

Πρεπ μόνον να ενθιμάτε κανις πως το παρισινον ι πρασινάδα εν πολα δυνατον φαρμακ.

Εκσον ατο πρεπ να γίνταν κε τα ακόλυθα τα μέτρα:



α) Οταν επιμάετε κε τζαντίετε απαν σα παρνίγια κε σα γριάτκας το χυρσκ πρεπ να κα-αστρέφκυνταν τα λακόια κε τα φολέασατυν με τοθα γτο εβρίυν ατυ απες.

β). Να γίνταν τα ρασάτνικα σα μέρια, όπυ πολα ολίγα λακότια εβρίυν γιάχοτ όπυ κσάι κεβρίυν.

γ) Ιστερα ασιν βίραποτκαν τι ρασάτας πρεπ το ρασάτνικον να καθαρίετε ασιν ρασάταν ντο επέμνεν, ασα αγροχόρταρα κε ασα χοχόλια.

Τι ρασάταν θλαφτ κε ο τιφλοπέντικον. Τατινεθι ι βλάδι πα σχεδον το ίδιον εν, όπος κε τι ζκοτι αλα σε μεγαλίτερον βαθμον.

Ασόλεν το κατάλιλον ο τρόπον τι αγόνα εναντίον ζον τιφλοπέντικον εν στυρακ με 4 καπνυ τζιβαλτόζια γαιμλαεμένα απαν σο στυρακ.

Τον τιφλοπέντικον πολεμόνατον κε με τιφτιαρ γομόνε τα τριπίατ νερον κε άλα.

Ι καπνοφιτεφτάδες καλα εκζέρνε προς να πολεμυν τον τιφλοπέντικον κε γιατατο λογαριάζομε προς κι πρεπ να σταματόμε πολα ζατα.

Εκσον ατο, σα παρνίγια τιχένε πεντικύδια, χοματι πσίλια, γόσενιτσα, οζίμαγια ζόβκα κ. τ. λ. Σε καθαέναν κσεχοριστον περίστασιν πρεπ ι κολχόζνικι να μαθάνε ασο αγροτεχνικον το προσοπικον, ντο εκσιπιρετα το κολχοζ γιάχοτ τιν φέρμαν, προς επορουν να πολεμυν ατα τα βρετίτελια.

## ΜΕΡΟΣ ΕΒΔΟΜΟΝ

ΤΟ ΒΛΑΒΕΡΟΝ Ι ΕΠΙΔΡΑΣΙ ΤΙ ΚΕΡΥ ΚΕ ΠΟΣ ΝΑ ΕΚΣΥΔΕΤΕΡΟΝΟΜΕ ΤΙΝ ΕΠΙΔΡΑΣΙΝΑΤΥΝ

### Α. ΑΕΡΑΣ.

Το ιγρον, ντο εστάθεν, το γομάτον εκσατμίγματα ο αέρας δοιθα να μαρένετε ι ρασάτα· ετία ατο περιζέβνε πολα κάπια αρόστιας κε βρετίτελια.



Αρ νιατατο πρεπ ανάμεσα ει ρασάταν να γίνετε· κίνισι τ αέρα, γιάχοτ όπος λέγνε, να αλάετε αέρας. Γιατατο τον σκοπον αερίζνε τα παρνίκια κε τα γριάτκας.

Τα δινατα ταέρας βλάφνε τι ρασάταν, φέρνε ει ρασάταν μηχανικα βλαψίματα.

Ι ρασάτα ντο εν μηχανικα βλαμένον αδινатиζ, το πόιναθε κι περ εμπροβολιν κε επορι ι ρασάτα να καταντα ακατάλιλον για το φίτεμαν.

Για να προφιλάτομε τι ρασάταν ασο βλαβερον τιν επίδρασιν, Ιλιαμ-ίλιαμ ασα βορινα (κρία) κε ανατολικά (κσερα) αέρας κε γενικα ασα δινατα ταέρας, πρεπ να υπερασπίζομε το ρασάτνικον με φραχτία κε με ορμανι σιράδας· εκσον ατο πρεπ σόλεν τοφέλιμον τιν έχτασιν τι ρασάτνικυ πρεπ να εβρίυνταν ινος γιάχοτ αλις λογισ σκεπάγματα

## B. ΒΡΕΣΣΙ

Το περισον ι ιγρασία σα παρνίκια κε σα γριάτκας γίνετε ετία να αναπτύινταν πολα τα γριπόκια-παράσιτα πυ φέρνε ει μέσεν λογισ-λογεν κολιτικα αρόστιας τι ρασάτας.

Τα σιχνα τα βρεσσία βλάβνε τι ρασάταν κε για το εκσις, ότι γίνταν ετία ασόλεν τα ψιλα τα κομάτια τι χοματι (μελκοζεμ) κε ασόλεν τα θρεφτικα ταπαν τα κάτια πάγνε βαθέα κε ετία ατο, τσατσαλόνταν τα ρίζας.

Τα τσάτσαλα τα ρίζας κσερένταν, κε αετς αδινатиζ ι σχέσι τι ρίζας με το χόμαν κε ετία ατο παραβιάσσετε το θρέψισμον τι ρασάτας κρύι οπισ το τράνεμαν, αδινатиζ το γενικον το ανάπτυγιμαν τι ρασάτας κε σχηματίυνταν εθνοικα υσλήθιας για τανάπτγιμαν τι ριζοσαπίλας.

Προφιλαχτικα μέτρα ιν: να εβρίυν σκεπάγματα σόλια τα παρνίκια κε τα γριάτκας, να αερίσκυνταν τα παρνίκια κε τα γριάτκας σα διαλίματα ανάμεσα σα θροχας κε να εβρίυνταν σο ρασάτνικον κανάθας για να φέρνε μακρα το νερον.



## Γ. ΧΑΛΑΖ

Τζιπ τρανον βλάβιν δι το χαλαζ σο αργόσκον τι ρασάταν Ι ρασάτα επορι ολοζδιόλυ να χάτε ασο χαλαζ, γιάχοτ να βλάφκετε πολα.

Κεβρίουνταν μέτρα για να περ τζιαριαν ι βλάβι ντο φερ το χαλαζ.

Προφιλαχτικα μέτρα πυ να ιπερασπίζνε τιν ρασάταν ασο χαλαζ ιν: να εσσ κανις εσκεπάγματα κε άμα φένταν χαλαζι λίβια να εσκεπαζ με τατα τα εσκεπάζματα τι ρασάταν.

Εναν πα μέτρον για να μι ειρ το κολχοζ ζεμίαν ασο χαλαζ εν ι ασφάλια (στραχοβάνια) ασι χαλαζι το ντόσιμον. Ατόσον ειχνα κι ρυζ χαλαζ, εν ι αλίθια, αλα επορι κε να τιχεν.

## Δ. ΠΑΓΟΣΙΑΣ

Ταργόσκα τανικσεζνα τα παγοσίας, όχι παραπαν απο 2 βαθμυς Τσελι κι φέρνε τρανον βλάβιν σιν ρασάταν. Αν όμοσ ι θερμοκρασία ρυζ κιαλαφκα ατότε βλάφκετε ι ρασάτα κε επορι όλοσ διόλυ να χάτε.

Επορούμε να προφιλάτομε τι ρασάταν ασα παγοσίας με τα εσκεπάζματα όνταν κυλανέβοματα με τον κερων.

Επορούμε τιν ρασάταν να προφιλάτομε ασα παγοσίας με τον καπνον. Γιατατα πρεπ με τον κερων το κολχοζ γιάχοτ ι φέρμα να προμιδέφκετε χυσεκ με σαλόμαν γιάχοτ άλο ματεριαλ, το οπίον να κέετε γιαβάσσα-γιαβάσσα, αλα να δι πολα καπνον.

Τα σινιθιζμένα, τα παγοσίας γίνταν σε ανιχτον κερων. Για να γίνετε με τον κερων το έναν γιάχοτ τάλο το μέτρον ταγόνα εναντίον σα παγοσίας, πρεπ το καθιέναν καπνοφιτεφτικον σοβχοζ κε κολχοζ να εσσ θερμόμετρον κε άλα πριπόρια για να παρακολουθα ταχτικα τιν κατάστασιν τι κερυ.



## Ε. ΚΣΕΡΑΣΣΕΑ.

Για να προφυλάξετε τις ρασάτες στην κσερασσεάν πρέπει να εκσοδέψετε πολλά νερόν. Και γιατατο πρέπει από μοθοπέρεας να γίνταν όλα τα μέτρα ντο εκσασφαλίζνε τον εφοδιασμόν τι νερόν και το άρδεμαν τι ρασάτνικιον.

Το ίσσκιαζμαν πα πέζ μεγάλον ρόλον εναντίον στην κσερασσεάν, επειδι κρύι πολλά οπισ την επίδρασιν τι κσερασσεάς.

## ΜΕΡΟΣ ΟΓΔΟΟΝ

### ΣΙΜΠΛΙΡΟΜΑΝ

#### Α. ΓΙΑ ΤΟ ΑΛΑΖΜΑΝ ΤΙ ΧΥΣΣΚΙ ΜΕ ΑΛΑ ΜΑΤΕΡΙΑΛΙΑ.

Καλον και κατάλιλον για φίτεμαν λογαριάετε εκίνο τις ρασάτες, το οποίον ενταν αχπάετε ασο χόμαν τι παρνικι γιάχοτ τι γριάτκας ες πόλικα ιγροτά ταζέα άσπρα ριζόπα.

Για να πέρκετε αίκον ρασάταν, ετιμάζνε τεχνιτον και παρνικι.

Υς τελεφτέα εκυλάνεβαν γιατατο τον σκοπον παλεον χυσσκ ντο εκυχνωτιάσεν, 2 χρόνον, 3 χρόνον. Ασόλεν καλύτερον χυσσκ λογαριάετε τι προατι ασατο κιστερια έρτε το χυσσκ ασα κόπρια τι μεγάλο τι κερτιφοόρου τι βίονος, καθαρον γιάχοτ ανακατομένον με αλογο χυσσκ.

Τα τελεφτέα τα δοκιμας τι Κρατικυ Ινστιτουτ τι καπνοφιτίας (ΓΗΤ) έδixσαν πως κεν σωστον τις γνώμι τι περισον τι καπνοφιτεφταδίου, ότι το χυσσκ εν ασόλεν το χριαζόμενον το ματεριαλ για το πεσλέεμαν τι ρασάτας και ότι ατο κεπορι ναλάετε με τιδεν άλλο.

Τελεφτέα, επειδι το ετίμαζμαν τι χυσσκι εκιπίντισεν πολλά δίσκολον και ακριβον οπεράτςιαν, και επειδι τα ζαπάςια τι χυσσκι ετελέθαν και πολλά καπνοφιτεφτικα ραγιόνια, και επειδι ζέναν σιριν ραγιόνια ζατι καιάι κεδρίετε χυσσκ (Σότζα, Απίνσκι και άλα), το ζίτιμαν ταλαγματι, τι χυσσκι με άλα ματεριαλία έγέντον ζίτιμαν σπουδέον, πρότυ σιρας.



Ακόμαν σα 1916 ο Ν. Μ. Συρκοφ ερχίνεσεν να εφτάι τα πρότα τα δοκιμας για τατο το ζίτιμαν.

Κατα κε τα τελεφετέα τα δομένα τι Γιτ επορούμε να εφτάμε αίκον ροστον σιμπέραζμαν, ότι πολα επιτιχιμένα επορι το χυσκι να αλάετε με τα ακόλουθα τα ματεριάλια:

**Σίφωνα με τα δομένα τι πιραματικυ τι σταθμυ τι Γιτ σιν Απίνσκαγιαν**

Ονομασία τι ματεριαλι ασο οπίων έτον ταπαν το κατ	Επάρθεν ρασάτα απο έχτασιν 1.8 τετρ. μέτρα	
	Παρνίκια αφκα σα τζαμλία τα ράμκας	Κρία γριάτκας
χυσκι ντο κυλανέφκετε τα σινιθιζμένα	2575 κομάτια	1150 κομάτια
100ο// ποταμι γυμ . . . . .	5500 „	2675 „
100ο/ο γιαζι χόμαν . . . . .	5410 „	2375 „
100ο/ο ορμανι χόμαν . . . . .	3655 „	— „
40ο/ο ποταμι γυμ κε —	4425 „	2375 „
60ο/ο ορμανι χόμαν		

με γυμ ποταμι, με χόμαν γιαζι, με σιντάραγον ματεριαλ απο 40<sup>ο</sup>/ο ποταμι γυμ κε 60<sup>ο</sup>/ο ορμανι χόμαν κε το αντίθετον, με ορμανι χόμαν, με σιντάραγον ματεριαλ απο 75ο/ο γυμ κε 25ο/ο πορφ κε άλα.

Πρεπ να λέγομε ότι το Γιτ έλισεν ταμάμια το ζίτιμαν ταλαγματι τι χυσκι με άλα ματεριάλια. Ατόρα ι δυλία επέμνεν σα καπνοφιεφτικα τα ροβχόζια κε τα κολχόζια να κυλανέδνε πλατέα σα νιχοκιριακα υσλόδιας τα διάφορα ματεριάλια αντι χυσκι, αφυ προκαταρχτικα πέρνε νιχυ-τριχυ υκαζάνιας ασο αγροτεχνικον το προσοπικον ντο εκσιπιρετάτα.

Οσαν σιμπέραζμαν διγομε αφκα τιν ταπλίτσαν κε τον κατάλογον τι ματεριαλίον ντο ριστεν το ΓΙΤ να κυλανέφκουνταν σα διάφορα ραγιόνια αντι χυσκι.



Κατα κε τα δομένα τι Γιτ ορίσσκунταν σα ραγιόνια τα ακό-  
λυθα ανακατόματα παρνικι κε πρισίπκας σα γριάτκας κε σα παρνίκια.

1. Εμπριζνον Κυπάνσκι  
όκρου

- 1) Γιαζι χόμαν
- 2) ποταμι γυμ (ιλίστι)
- 3) 40ο/ο ορμανι χόμαν κε 60ο/ο ποταμι γυμ
- 4) Σιντάραγον ματεριαλ  $\frac{1}{8}$  χυσσκ  $\frac{1}{8}$  ορμανι χόμαν κε  $\frac{1}{8}$  γυμ
- 5) Ορμανι χόμαν. Σα πρότα 4 περίσταση πρεπ υποχρεοτικά να τζανίετε χυσσκ ίστέρια ασο σπέρσιμον

2. Εμπριζνον Μαικόπσκι  
όκρου κε παραλία

Ορμανι σαπόχομαν καλυ πιότιτας σκόρον, λαφρον κατα κε το μιχα-  
νικον το σαστάβναθε, χορις πρι-  
σίπκαν με σινιθιζμένον περεγνόνι.  
Ορμανι σαπόχομαν μεσέυ πιότιτας  
με πρισίπκαν χυσσκι (περεγνόνι).  
Σινιθιζμένον χόμαν όπυ απαν να  
ταράετε χοντρον γυμ σα βαρέα  
τα χόματα με πρισίπκαν χυσσκι

Β. ΓΙΑ ΚΑΠΙΑ ΛΟΓΑΡΙΑΖΜΥΣ ΣΟ ΡΑΣΑΤΝΙ  
ΤΟ ΝΙΚΟΚΙΡΙΟΝ

Ο λογαριαζμον τι ματεριαλίον κε τινθενταρι δόχκετε εν πρι-  
λαζζένιαν № 6.

Αδακα θα υποδίχομε μονάχον τακόλυθα τα σιμία:

Ονταν οργανύτε το ρασά νικον τοφέλιμον ι έχτασι ορίσσκετε  
με το ακόλυθον τον τρόπον. Το ποσον τι ρασάτας ντο χριάσσκετε



για 1 εχταρ μιριάστε σα κομάτια τι ρασάτας ντο πέρχετε ασέναν τετραγωνικον μέτρον σα χρία τα γριάτκας γιάχουτ σα παρνίγια ντο ιν με τζαμλία ράμκας.

Αδακα θα ίπενθιμίζομε κε το εκσις: όνταν σπέρχετε έναν γραμάριον καπνόςπορα σα καθαέναν τετραγωνικον μέτρον χρία γριάτκας πέρκουνταν τενταλαπαν 3000 φιτανόπα κατάλιλα για φίτεμαν.

Σο οφέλιμον τιν έχτασιν τι ρασάτνικυ ντο ορίστεν με αφτο τον τρόπο πρεπ να προσθέτνε ακόμαν 75ο/ο ασατο τιν έχτασιν κε ατα τα δύο έχτασια εντάμαν θα δίγνεμας όλεν τιν έχτασιν τι ρασάτνι τι νικοχιρι.

Για να εκσασφαλίουμεσ ασα κακα τι φίσις (στιχίινι πέτστδία) πρεπ όνταν γίνταν ζακλάτκαν τα παρνίγια κε τα γριάτκας να περσιέδομε 20-25ο/ο τοφέλιμον τιν έχτασιν τι ρασάτνικυ:

Για έναν εχταρ σσερι φίτεμαν πρεπ να σπέρκουνταν 50 τετραγωνικα μέτρα παρνίγια γιάχουτ γριάτκας.

Ενο για 1 εχταρ μηχανις φίτεμαν πρεπ να σπέρκουνταν 70 τετραγωνικα μέτρα παρνίγια γιάχουτ γριάτκας.

## Γ. ΤΑ ΔΥΛΙΑΣ ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ ΑΣΥ ΤΕΛΙΟΝ ΤΑΧΠΑΖΜΑΝ ΤΙ ΡΑΣΑΤΑΣ

Όσαν πράβιλαν πρεπ τα ρασάτνικα να φιλάγουνταν καθαρα να μι εβρίουνταν εκιαπεσ αγροχόρταρα κε άλις λογισ χοχόλια.

Ι ρασάτα ντο απομεν ίστερα ασο άχπαγμαν (θίπορκα) πρεπ να αχπάετε ασο ρασάτνικον να φέρχετε μακρα κε να κέετε. Ταγροχόρταρα πρεπ να θερίουνταν πριν ναρχινου να τζιτζεκόνε, κάμποσα φορας σο διάστιμαν τι καλοκερι κε να φέρκουνταν μακρα ασο ρασάτνικον.

Ταπεμινάρια τι ρασάτας κε ταγροχόρταρα επορουν να έχνε λογισ τυ λογιον κολιτικα αρόστιας κε ζατα απαν επορουν να εβρίουνταν κε κάπια θρετίτελια.



Ταπαν το κατ τι χοματι σα παρνίγια κε σα γριάτκας, αν εν κατάλιλον θρεφτικον ματεριαλ πρεπ να πέρκετε αποπανκες σε βάθος 5-6 σαντίμετρα.

Ατο το θρεφτικον το κατ ντεπάρθεν φιλάετε σε κσεχοριστον κυμυλ κε απανικσέας κυλανέφκετε οσαν έναν σιστατικον (σασταβνόνι) μέρος τανακατοματι τι παρνικι το οπίον, όπος τα σινιθιζμένα, ζε-στέφκετε.

Ασα ιμπσόθερμα τα παρνίγια (αν εγένταν ζακλάτκαν αίκα παρνίγια) πέρκετε το χόμαν κε θάλκετε σα όρομόπα για να παγον σο διάστιμαν τι σσιμονκονι κε απανικσέας επορι κσαν να κυλανέφκετε οσαν σιστατικον μέρος τανακατοματι τι παρνικι.

Ι σαλόμα πρεπ όλος διόλυ να εβγεν ασο ρασάτνικον κε να φέρκετε μακρα.

Αν αφίνομε τιμπσόθερμα τα παρνίγια σο σσιμονκον χωρις να καθαρίζοματα ασι σαλόμαν, ατυ απες τοπλαέφκυνταν καλοχερι κε μοθοπορι έναν σριν κσεχοριστα βρετίτελια κε σσιμάζνε εκι απες. Ιλιαμ-ιλιαμ ταγίκα τα μέρια αγαπάτα το λαχοτ.

Ολια τα ματεριάλια τι παρνικι κε τινβενταρ πρεπ να τοπλα-έφκυνταν να καθαρύνταν ασο χόμαν κι ασα χοχόλια κε να κσε-ρένταν. Αν εν ανάνκι πρεπ να γίνταν τιζενφέκσιαν με διάλιειν μέτνι κυπορος κε όλα. Ιστερια πρεπ να χορίυνταν εκίνα ντο ιν καλα κε ντο χριάκυνταν ρεμοντ κε να θάλκυνταν σιν αποθίκιν για φίλαγμαν.

Ιστερια ασιν θίπορκαν τι ρασάτας επορυν σα ρασάτνικα να σπύ-κυνταν σιντάραγα βινοφσιανίε γιάχοτ άλα ινος χρονου χορτάρια ανα-φαγας.

Τα ρασάτνικα ντο εκυλανέφταν κε προορίζκυνταν για τάλο το χρόνον πα για ρασάτνικα κε τα υτζάστκας ντο εχορίαν για ρασάτ-νικα πρεπ, απαν αφκα σο δέφτερον το δεκαπενταίμέρον τοχτοβρίυ εκνένυ να λαλίυνταν κε να σκάφκυνταν.



## Δ. Η ΣΗΜΑΣΙΑ ΤΙΔΙΚΕΒΜΕΝΥ ΤΙ ΔΥΛΙΑΣ ΣΙΝ ΚΑΠΝΟ ΦΙΤΙΑΝ ΚΕ ΤΑ ΤΡΟΠΥΣ ΤΙ ΜΑΖΙΚΥ ΤΑΝΕΒΑΖΜΑΤΙ ΤΙ ΔΙΚΕΠΣΙΣ.

Σον καπνον ακίμαν πολα προτσέσια κιν ιδικεβμένα υς οσίμερον. Γιατατο σιν κελιέργιαν τι καπνυ χριάσσετε πάραπολα ζοντανον εργατικον δύναμιν κε δύναμιν το οπίον να εν αρκετα ιδικεβμένον.

Η σημασία τιδικεβμένου τι δουλίας σιν καπνοφιτίαν το οπίον ολίγον εν μηχανοπιμένον, επικιρότε ασα ακόλυθα τα αριθμους ντο χαραχτιρίζνε τι νόρμαν τι βίραποτκας σα κσεχωριστα τζεσσσίτια τι δουλίας.

Λογοχάριν ι τιζέφτρα (νιζάλσσιτσα) πυ εν ιδικεβμέντσα δι βίραποτκας υς 20-25 ράματα σο εργατικον τιν ημέραν, ενο εκίνε πυ εν ολίγον ιδικεβμέντσα δι σο ίδιον τον κερων 7-10 ράματα.

Η ιδικεβμέντσα ι κολχόζνιτσα επορι να εφτάι σορτιρόφκας κε να τεμετλεεβ τιν ημέραν 15-17 ράματα ενο ι κολχόζνιτσα πυ κεν όσον πρεπ ιδικεβμέντσα επορι σο ίδιον τον κερων να τεμετλεεβ 5-7 ράματα.

Φος-φανερο ταίκον το χαμελον ι παραγογιχότιτα τι δουλίας, ντο εν ολίγον ιδικεβμένον, ακριβιν πολα το κόστος τι καπνυ ολιγοστεβ το έσοδον τι καπνοφιτεφτικυ τι κολχαζι κε γίνετε ετία να εκσοδέφκετε περισον εργατικον δύναμιν, περισα χρίματα κε ματεριάλια.

Κατα κε τα δομένα τι Γιτ, το ιδικεβμένον ι δουλία ολιγοστεβ τα έκσοδα σο  $\frac{1}{8}$ .

Όσον παραπαν ιδικεβμεν κε έμπιρι ιν ι κολχόζνικι (κολχόζνιτσεσ) πυ δουλέβνε, ατόσον καλίον εν ι πιότιτα τι δουλίας κε ι πιότιτα τι προτύκσιασ, επιδι αικ ι κολχόζνικι αγλίγορα κε έφκολα εγρικυν κε χορίζνε τα σορτια κε τον θαθμον τεφταζματι τι καπνόφιλυ σο τσάκομαν κτλ.



Ασατο εβγεν ότι πρεπ να αναπτίετε ι δουλία για τιν μιχανο-  
κίσιν τι καπνυ κε εντάμαν μετατο πρεπ να δόχκετε μεγάλον προ-  
ποχιν για να ανιβεν ι ιδίκεπσι τι δουλίασ σιν καπνοφιτιάν.

Σατ το επίπεδον σα 1931 τι χρονίας εγένταν τα ακόλυθα  
μέτρα σο Κράι: ινος μινυ κύρσια για να ετιμάζνε 255 ινστρύκτο-  
ρος τεχνικυς, δύο εβδομαδόν κύρσια για να ετιμάζνε 700 πριγατιρτσ.

Σα 1932 τι χρονίας σχεδιάετε να γίνταν τα ακόλυθα μέτρα:  
Να ετιμάουνταν εκνέυ 25 αγρονομ 52 τέχνικι, 620 πριγα-  
τιρ. Θα ετιμάουνταν 206 ά-ομα διεφθιντε σα φέρμας, 441 συσσίλ-  
εκι, 573 σορτιρόφρσικι, 633 τεγκςίδες (τιυκιδτζικι)

Για να ανιβεν πραγματικα ι ιδίκεπσι τι κολχόζνικιον πυ δυ-  
έβνε σιν καπνοφιτιάν χριάσσκετε πολα κερον να μαθίζνατς.

Το καθέναν το καπνοφιτεφτικον το κολχοζ κε το καθέναν  
το καπνοφιτεφτικον ι φέρμα πρεπ να κσεχορίζνε τι ολιγοιδικεβμεντς  
ι κολχόζνικυς (κολχόζνιτςες) σε γρόπας σε μαθιτικα πριγάτας όπος  
έγνατα.

Σα καθαέναν πριγάταν πρεπ να γίνετε πρικρεπλένιαν ίνας  
άχοτ κάμποσι ιδικεβμεν κολχόζνικι καπνοφιτεφτάδες πυ ιν ιπο-  
ρεομεν να μαθίζνε ατα τα πριγάτας τα τρόπυς τι δουλίασ σον κε-  
ον ντο γίνταν όλια τα δουλίασ τι καπνοφιτίας.

Εκιν πυ γίνταν πρικρεπλένιαν σατα τα πριγάτας πρεπ να  
χνε εφθίνιν για το επιτιχιμένον τι μάθισιν εκινον πυ εβρίονταν  
ατα τα πριγάτας.

---



# ΠΡΙΛΟΖΖΕΝΙΑ № 1

## ΑΝΤΙΓΡΑΦΟΝ

### ΑΣΑ ΑΓΡΟΤΕΧΝΙΚΑ ΠΡΑΒΙΛΑΣ ΣΑ ΚΙΤΡΙΝΑ ΤΑ ΚΑΠΝΑ

ΠΟΧΡΕΟΤΙΚΑ ΝΑ ΕΧΤΕΛΙΩΝΤΑΝ ΣΟ 1932 ΤΙ ΧΡΟΝΙΑΣ (ΕΠΙΚΙΡΟΘΑΝ ΑΣΟ ΠΡΟΕΔΡΙΟΝ ΤΙ Β.Κ. ΚΡΑΙΣΠΟΛΚΟΜΙ).

#### 1. ΤΟ ΡΑΣΑΤΝΙ ΤΟ ΝΙΚΟΚΙΡΙΟΝ

1. Το διάλεγμαν τι μέρυσ για το ρασάτνικον, το δύλεμαν χοματι, το ετίμαγμαν τι μίγματος (σμες) τι παρνικι, το να ετιμάγουνταν τα γιαλένια τα ράμας, τα ψαθία, ταγροτικον τινβενταρ κι άλλα σρέστβας κε ιλικα (μεταλικά ενιάζματα, κσίλα κ.α.) πρεπ να γίνταν αντίστιχα με τα ιπόδικσια τι ΓΙΤ (κρατικον ινστιτουτ τι καπνοφιτίας) κε ταγροτεχνικυ τι προσοπικυ σα τόπια. Σιν περίοδοσ ασα 15/Χ υς τα 20/Π.

2. Εν υποχρεοτικον να χασσέφκετε το μίγμαν τι παρνικι σα ζσαρόβνιας γιάχοτ με ατμον (τύφαν).

*Σιμίσι.* Το χάσσεμαν (πραπάριβανια) πρεπ να τελιον ταμάμια τρία εβδομάδες πριν να αρχινα το σπέρσιμον. Κι γίνετε να κυλανέφκουνταν καπνυ κοστέλια για καψιματι ιλικον.

3. Για να πέρκετε έρχιανταν ρασάτα για 30 % χρίσιμον έχτασιν τι ρασάτνικιον πρεπ να ιν: γριάτκας αφκα σα γιαλένια ράμας γιάχοτ ιμπσόθερμα παρνίγια (ι δυλία γίνετε ασα 20/Π υς τα 10/ΠΙΙ κε τα σπόρα σπέρκουνταν ασα 5/ΠΙΙ υς 25/ΠΙΙ).

4. Για τα 70% το χρίσιμον τιν έχτασιν τι ρασάτνικιον γίνταν ζακλάτκαν χρία γριάτκας. Ι διορία τι σπρισματι σα χρία το γριάτκας προζδιοριέτε ασα 10/ΠΙΙ υς 20/ΙV.



**Σημιοσι.** Για έναν εχταρ τι εσερι φίτεμαν πρεπ να γίνταν ακλάτχαν 50 τετρ. μέτρια χρίσιμον έχτασιν, για τι μηχανισ—70 τετρ. μέτρια.

5. Το σπύρισιμον γίνετε αποκλιστικα με καθαρα σπόρα τι ΓΙΤ με τον λογαριαζμον: ζέναν τετραγονικον μέτρον 1 γραμάριον σπόρα για χρία τα γριάτκας κε 0,8 τι κιλυ σα γιαλένια τα ράμας κε σιμ-σώθερμα τα παρνίγια.

**Σημιοσι.** Καλον θα εν να γίνταν πρατράβλιδανιν τα σπόρα με αζοτνοχίςλι ασιμ γιάχοι με συλεμα με τον λογαριαζμον: 1:1000 κίρι νερυ με το υποχρεοτικον τιν καθοδίγισιν ταχρονομ.

6. Τα δυλιάς σιν ζακλάτχαν κε σιν φορμόφχαν τι παρνικίον, το ετίμαζμαν τι μίγματος τι παρνικι, ι δυλία σο τέρεμαν τι ρασάτας τσακέλιζμαν, άρδεμαν, κςίσιμον κε κυλάνεμαν ταρδεματι, το κυλάνεμαν μέσον αγόνα εναντίον σα θρετίτελια κε σα κυκυδακι (γρίπνι) κρόστιας καθος κε τα προφιλαικτικα μέτρα, το κςίσιμον μέτνι κυ-ποροσι, το κςίσιμον κικιτι κ.α.) πρεπ να γίνταν ταμάμια κε αν-τίστιχα με τα υπόδικσια τι ΓΙΤ κε ταχροτεχνικυ τι προσοπικυ α τόπια.

**Σημιοσι.** Τα ρασάτνικια πρεπ να εκσασφαλύνταν με πσαθία, με αγίκον λογαριαζμον, όστε να εσκεπάετε όλεν το χρίσιμον ι έχ-ασι. Κεπιτρέπκετε το καθιρον το περεγνόι οσαν παρνικι μίγμαν.

7. 2 3 ιμέρας πριν ασιν θίπορχαν τι ρασάτας τάρδεμαν κε ο ίςκιαζμαν πρεπ να σταματυν. Κεπιτρέπκετε να γίνετε θίπορκα τι ρασάτκας με εσεροβολέας.

8. Αμα κε τελιον το φίτεμαν, πρεπ τα ρασάτνικια να φιλά-νταν καθαρα ασα αγροχόρταρα κε μοθοπορι (σον Οχτόβριον) πρεπ να λαλίονταν.

9. Ταπαν το θρεφτικον το κατ τι γριάτκας κε τι παρνικίον πρεπ να πέρκετε κε να κυμυλιάετε ζέναν κυμυλ για να γίνετε με-ίτο κσαν μίγμαν παρνικι ζάλο τον χρόνον.



## ΠΡΙΑΖΖΕΝΙΑ 2-ΟΝ

### ΑΝΤΙΓΡΑΦΟΝ

ΑΣΟ ΑΓΡΟΤΕΧΝΙΚΟΝ ΤΟ ΛΟΓΑΡΙΑΖΜΟΝ ΝΤΟ ΠΑΡΥΣΙΑΖ  
Ι ΚΑΠΝΟΒΙΟΜΙΧΑΝΙΑ ΚΕ Ι ΚΙΝΟΝΙΚΟΤΙΤΑ ΤΙ ΒΟΡ.  
ΚΑΦΚΑΣΥ ΣΑ ΚΑΠΝΟΦΙΤΕΦΤΙΚΑ ΣΟΒΧΟΖΙΑ  
ΚΕ ΚΟΛΧΟΖΙΑ ΤΙ ΚΡΑΙ

Το κόμαν κε ι κυβέρνισι έδαλαν τα ακόλουθα βασικά προβλήματα σαγροτικον το νικοκιρίον κε ιδιέτερα σιν καπνοφιτίαν.  
1) Ανίβαζμαν τι εσοδίας. 2) Καλιτέρεμαν τι πίοτιτας τι πρότυπικυ. 3) Αγόνας εναντίον σα χασίματα σιν εσοδίαν. 4) Ανίβαζμαν τεμπορεματικότιτας τι σοβχοζίον κε τι κολχοζίον.

Ατα τα προβλήματα επορου να πραγματοποιπίουνταν κε να λίνυταν επιτιχιμένα μόνον με βάση το αφστiron τιν σπετσιαλιζάτσιαν ταγροτικον τι ραγιονίον.

Τα κηριότερα τρόπος για να ανιθαζ ι καπνοφιτία τι κράι τιν εσοδίαν κε τιν πίοτιταν τι καπνυ κε να λιν τα επίλιπα τα προβλήματα ιν:

I. Με τον κερν κε νιχυ-τριχυ να εχτελίνυταν όλια τα αγροτεχνικα τα μέτρα κε τα πράβιλας.

II Να μηχανοπιώνταν τα κσεχοριστα προτσέσια τι παραγωγισ τι καπνυ, το οπίον (μικαν πίσι) εκσασφαλιζ, όστε να εφαρμόσκυνταν με τον κερν ταγροτεχνικα τρόπος κε να δίγνε καλίον αποτελέζμαν.

III Να γίνετε χιμιζάτσια το χόμαν (να κυλανέφκυνταν χιμικα ενιάζματα). Να κυλανέφκυνταν άλα τζεσσίτια ενιάζματα.

IV Να ορίσκυνταν ρατсионάλνι σεβοαπαρότια με τον καπνον.

V Να γίνετε αγόνας εναντίον σαγροχόρταρα.

VI Να γίνετε αγόνας εναντίον σαρόστιας κε σα βρετίτελια τι καπνυ.



VII Να κυλανέβνε πλατέα τα καπνοφιτεφτικα κολχόζια  
πρσιοναλιστικα πρότασια, τα οπία βοιδυν να απλυστεβ κε να εφτε-  
ν ο καπνον.

Τα καπνοφιτεφτικα ροβχόζια κε κολγόζια, για να λίνε ατα  
προβλίματα, ίνε υποχρεομένα να εχτελυν ρο 1932 τι χρονίαν  
ακόλυθα αγροτεχνικα μέτρα κε πράβιλας:

## I ΣΟ ΡΑΣΑΤΝΙ ΤΟ ΝΙΚΟΚΙΡΙΟΝ

1. Το διάλεγμαν τι μέρυς για ρασάτνικα, το μοθοπορνον το  
όλεμαν τι χοματίατυν, το ετίμαζμαν τανακατοματι τι παρνικι κε  
αλονον τι ματεριαλίον, το ετίμαζμαν τινθενταρι για τα ρασάτνικα  
πρεπ να γίνταν ασα 15 οχτοβρίυ υς 1-ι μαρτι. Κιατα όλια πρεπ  
γίνταν αντίστιχα με τα υκαζάνιας ντο εςς το Γιτ ρατο το ζί-  
μμαν απαν κε αντίστιχα με τα ιπόδικσια ταγροτεχνικυ τι προσο-  
κικυ ρα τόπια.

2. Υποχρεοτικα πρεπ να γίνετε ρτεριλιζάτσια (χάςσεμαν) τανα-  
κατοματι τι παρνικι, εμ για να φορτύνταν τα παρνίκια, εμ να  
ζαντίύνταν τα ρπόρα κε ι ρασάτα.

Υ ρτεριλιζάτσια γίνετε με ατμον (τύφαν) ρα μιχανικα πάκια  
ς. Σδιστύνοφ γιάχοτ ρα ρινιθιζμένα τα ζζαρόθνιας (τεπςία) κε  
πρεπ να τελιον ρα 20 τι φεβρουαρίυ.

Γιατατο τιν δυλίαν με κανέναν τρόπον κι γίνετε να κυλα-  
έφκυνταν τι καπνυ τα κοστέλια (ποτιλι) οσαν καπςιματι ιλικον.

3. Τα 30<sup>0</sup>/<sub>0</sub> ασο χρίσιμον τιν έχτασιν τι ρασάτνικυ πρεπ  
ποχρεοτικα να γίνταν ζακλάτκαν κρία γριάτκας αφκα ρα τζαμλία  
ρα ράμκας γιάχοτ ιμψρόθερμα παρνίκια.

Τα επίλικα 70<sup>0</sup>/<sub>0</sub> γίνταν ρινιθιζμένα ανιχτα κρία γριάτκας.


4. Ολεν το χρίσιμον ι έχτασι τι ρασάτνικιον πρεπ ριν εντέ-  
αν να εν εκρααφαιζμένον με ρρκεπάζματα (πρσθία).

5. Τανακάτομαν τι παρνικι για το πρςλέεμν τι ρασάτας  
γίνετε να ετιμύγετε με κθικρον πρρργνό! μονάχον.



Αντίστικα με τα υσλόβιας τινος γιάχοτ ταλινεθι τι ραγια  
κωλανέβνε οσαν παρνικι ανακάτομαν τα ακόλυθα:

- α) Γιαζι χόμαν ντο εκατακάτσειν
- β) Πομαμι γυμ (ιλίστι)
- γ) 40ο/ο ορμανι χόμαν κε 60ο/ο ποταμι γυμ.
- δ) Ορμανι σαπόχομαν καλυ πίοτιτας (σκόρον, ελαφρον καυ  
κε το μιχανικον το σαστάβναθε)



Κοβαλον νερον,

- ε) Ορμανι σαπόχομαν μεσέυ πίοτιτας.
- ς) Σινιθιζμένον χόμαν όπυ απαν να ανακατότε χοντρον γυμ.
- θ)  $\frac{1}{8}$  χυσεκ,  $\frac{1}{8}$  ορμανι κε  $\frac{1}{8}$  γυμ. Σόλια ατα εν υποχρεω  
τικον να τζαντίουνταν τα σπόρα με περεγνόι.

6. Το σπέρσιμον τι σπορίον πρεπ να γίνετε ασα 1-ι τι μαρ  
υς τα 20 ταπριλι.

Το σπέρσιμον γίνετε κάμποσα φορας αντίστικα με τα διορία  
τι φιτεματι ντο εσχεδιάσαν.



Ι έχτασι τι παρνικίον κε τι γριατίον προζδιορίζετε: για έναν εχταρ εσερι φίτεμαν 50 τετραγονικα μέτρα, για έναν εχταρ μιχα- κς φίτεμαν 70 τετρ. μέτρα.

7. Τα σπόρα πριν ασο σπέρσιμον γίνταν απολίμανσιν (προ- πράβλιβανιαν) με αζοτνο-κίςλι σερεπρο (λιάπικς) γιάχοτ με συλεμα με λογαριαζμον 1 σα 1000 νερον. Κε ατο πρεπ υποχρεοτικα να γίνετε αφκα σιν επίβλεπσιν ταγρονομ αντίστικα με τα οδιγας τι Γιτ.

Το νέβραζμαν το διάκλιζμαν κε το σπόνκιζμαν τι σπορίον πριν ασιν πραραζσιβανιανατυν ιν υποχρεοτικα ζίμφονα με τα οδι- γας τι Γιτ.

8. Το σπέρσιμον γίνετε μόνον κε μόνον με καθαρα σπόρα τι Γιτ με λογαριαζμον: ζέναν τετραγονικον μέτρον σα παρνίικια 0,8 γραμ. σα χρία παρνίικια 1 γραμ.

9. Ολια τανικσεζνα τα δουλίας σο ρασάτικον, όπος ι ζακλάτ- κς κε ι φορμόφκα τι παρνικίον, το σπέρσιμον, ι περιπίικσι τι ρασά- κς (άρδεμαν, τζακέλιζμαν, ίςσκιαζμαν, τζάντιζμαν) κε τάχπαμαν ρασάτας για το φίτεμαν πρεπ να γίνταν αντίστικα με τα υκαζά- κς τι Γιτ κε ταγροτεχνικυ τι προσοπικυ ζος τόπος.

10. Υποχρεοτικα πρεπ να εφαρμόσκυνταν προφιλαικτικα μέτρα όνα εναντιον σαρόστιας κε σα βρετίτελια τι ρασάτας (παρισινον ρασινάδα, άρδεμαν με πορτόσκι ζζίτκοστ, με μέτνικυπορος, τζαν- ζμαν με κικικυρτ). Κε σατο το ζίτικμαν πρεπ να εφαρμόσκυνταν για τα υκαζάνιας τι Γιτ κε ταγροτεχνικον τι δουλεφταδίον σα τόπια.

11. Εν υποχρεοτικον να γίνετε τιζινφέκσια τινβενταρι, ταπα- τοβανιας, κε τι εσερίον ονταν περα κανικς ασο τσακέλιγμαν τάροστυ ρασάτικς σο τσακέλιγμαν τι σαγλαμ τι ρασάτας.

12. Υποχρεοτικον εν να γίνταν με τον κερων ενιαζματικα θέματα κε να εφαρμόσκυνταν μέτρα αγόνα εναντίον σαρόστιας κε βρετίτελια τι ρασάτας, αντίστικα με τα υκαζάνιας τι Γιτ κε ταγροτεχνικυ τι προσοπικυ σα τόπια.



13. Ιποχρεωτικά πρεπ να γίνταν μηχανοπίκτιν κε ρατσιοναλιζάττιαν ο εφουδιαζμον τι νερου σα ρασάττινι νικοκίρτια (κυλάνεμα τυλόμπας, δόσιμον τι νερου με τα ολύκτια κ.ά), τανίβαζμαν τι ράμκας, τάνιγμαν κε το εσκέπαζμαν τι πσαθίον.

14. Τα ρασάττινικα πρεπ ίστερα ασάχπαζμαν τι ρασάτας φιλάουνταν καθαρα ασαγροχόρταρα κε πρεπ σο δέφτερον το δεκαπενταμερον τοχτοβρίνι να λαλιούνταν κε να σκάφκουνταν.

Ιστερα ασο άχπαζμαν τι ρασάτας επορι να σπέρκετε το ρασάττινικον σιντάραγον δικ-οβιος γιάχου άλα ινος χρόνου χορτάρια αναφαγα

15. Ιστερα ασάχπαζμαν τι ρασάτας πρεπ ταπαν το θρεφτικον το κατ τι παρνικίον κε τι γριατίον να πέρκετε κε να βάλκετε χοριστα κε να κυλανέφκετε οσαν ριστατικον μέρος για τι παρνικιανακατόμαν τερχόμενου τι χρονίας. Κε όπος τα σινιθιζμένα πρεπ να γίνετε στεριλιζάττιαν.

## ΠΡΙΑΖΖΕΝΙΑ № 3

ΤΑ ΠΙΟΤΙΚΑ ΤΑ ΠΑΚΑΖΑΤΕΛΙΑ ΤΑ ΟΠΙΑ ΠΡΕΠ ΝΑ ΕΧΤΕΛΙΥΝΤΑΝ ΙΠΟΧΡΕΩΤΙΚΑ ΣΟ ΠΡΟΤΣΕΣ ΤΙ ΔΥΛΙΑΣ ΣΟ ΡΑΣΑΤΤΙΝΙ ΤΟ ΝΙΚΟΚΙΡΙΟΝ

Ονομασία τι δυλίας	Πιοτικα πακαζάτελια
Το λάλεμαν ζιαπ τι υτζάστκας για ρασάττινικον.	1. Να ιν έτιμα τα εργαλία για τι δυλίαν. 2. Το βάθος τι λαλεματι πρεπ να εν 18-22 χορις ναναποδογίριετε ταφκα το κατ τι χοματι κε να στοσρέφκετε όστε το πλάτος τι κατι να εν όμιον.



Το σχιμάτιζμαν κε το  
χάσσεμαν τανακατοματι  
τι παρνικι

Φορμόφκα κε κεμπρε-  
λέεμαν

3. Πρεπ να καταστρέφκυγταν τα  
αγροχόρταρα.

4. Σο λάλεμαν κι πρεπ να απο-  
μένε αγρέγια.

1. Επι 30 λεπτα ι θερμοκρα-  
σία πρεπ να εν 100 βαθμυς,  
χωρις ναφίνομε να χαντσήφκετε.

2. Τανακατομαν τι παρνικι πρεπ  
να νεμλιαέφκετε ιποχρεοτικα κε  
να ανακατιετε 3-4 φορας.

3. Τι παρνικι τανακάτομαν για  
έναν φορτομαν πρεπ να χασσήφ-  
κετε σε διάστιμαν 40-45 λεπτα.

1. Το κσσίσιμον τι χυσσυ πρεπ  
να εν 3 σαντίμετρα (θρεφτικον  
κατ).

2. Πρεπ να ετοσσήφκετε όστε τα-  
παν το μέρος τι παρνικι κε τι  
γριατίον να εν ίσον κε να χαμε-  
λιν σάκρας.

3. Προσεχτικα πρεπ να δουλέφκε-  
τε ταπαν το μέρος τι παρνικίον  
κε τι γρατίον κε να καταστρέφκυ-  
γταν τα κύστυα.

4. Το πλάτοσ τι γριατι κι πρεπ  
να εν παραπαν ασο  $1\frac{1}{2}$  μέτρον  
κε σα παρνίγια 2 μέτρα.

5. Τα δρομόπα ανάμεσα σα γριάτ-  
κασ πρεπ να εν 30 σαντιμ., σα  
παρνίγια 50 σαντιμ.



Σκάψιμον και για παρ-  
νίκια.

Γόμομαν τι κούον τι  
παρνικι.

Ι φορμόφκα τι γριατίον  
τι παρνικι.

6. Το ψίλος τι γριατίον πρεπ να  
εν 6-8 σαντίμετρα.

1. Πρεπ να απομεν το προζδιο-  
ριζμένον το τράνος τι και (θά-  
θος 35 σαντίμετ. πλάτος 2 μέτρα).

2. Τα τυθάρια τι και πρεπ να  
ιν ίσα-τίκια.

3. Ταπαν το κατ τι χοματι ντο  
εν προοριζμένον για το γόμομαν  
τι παρνικι πρεπ να στιβάετε χο-  
ριστα.

1. Σπιχτα πρεπ να βάλκετε ι  
σαλόμα κε το χυσσι σα κούια κε  
να πατίουνταν.

2. Το πάχος τι σαλόμας κε τι  
χυσσι κι πρεπ να εν παραπαν  
ασα 20 σαντίμετρα.

3. Το κατ τι χοματι ντο θα σσκε-  
παζιατο ασαπαν το μέρος πρεπ  
να εν πιχτον κε ισομετρον σε πά-  
χος 10 σαντίμετ.

1. Το ψίλος τι παρνικι εντάμαν  
με το θρεφτικον το κατ πρεπ να  
εν 6-8 σαντίμετ. ασιν επιφάνιαν  
τι γις.

2. Ι επιφάνια τι γριατίον πρεπ  
να εν ίσον με χαμέλομαν σάκρας.

3. Το ψίλος τι καρόπας ασιν  
επιφάνιαν τι παρνικίον να εν σο  
νότιον το μέρος 17 σαντ. κε σο  
θόριον 23 σαντ.



Η προράσσιβανια τι  
σπορίον.

1. Η προράσσιβανια πρεπ να γί-  
νετε σε 4 ημέρες.

2. Κι γίνετε να κσερένταν τα  
σπόρα με ίγρεμαν κε ανακάτομαν.

3. Η θερμοκρασία σιν προράσσι-  
βανιαν πρεπ να εν 30 βαθμους  
Τσέλσι.

4. Τα σπόρα ντο θα γίνταν προ-  
ράσσιβανιαν πρεπ να έχνε 2 σα-  
νιμ. πάχος 50 κατ.

5. Τα σπόρα πρεπ να νεβράχου-  
νταν σε διάστιμαν 12 όρας.

6. Το διάκλιζμαν κε το σπόνκιζ-  
μαν τι σπορίον εν υποχρεοτικον  
πριν ασιν προράσσιβανιαν ύζνα  
χάτε όλος διόλυ το σλιζ.

Το σπέρσιμον τι σπο-  
ρίον κε ι ζατέλκα.

1. Σα γριάτκας σέναν τετρ. μέ-  
τρον πρεπ να σπέρκουνταν 1 γρ.,  
σε παρνίκια 0,8 γρ. σπόρα.

2. Τα σπόρα πρεπ να σπέρκυ-  
νταν ισόμερα σόλεν τιν επιφρά-  
νιαν (γιατατο τα σπορα πρεπ να-  
νακατιύνταν με τι παρνικι τανα-  
κάομαν).

3. Τα σπόρα πρεπ ισόμετρα να  
γίνταν ζατέλκαν, τι χυσεκ να  
κσείετε σε πάχος 0,5 — 0,8 σα-  
ντίμετρα.

Τάρδεμαν ίστερα ασο  
σπέρσιμον κε ι τραμπό-  
φκα.

1. Κι γίνετε να εφτάμε τραμπό-  
φκαν τα παρνίκια κε τα γριάτκας  
όνταν εν ταπαν το μέρος ιγρον.



Σινηθιζμένον κε ενιαζ-  
ματικον άρδεμαν. Ανιγ-  
μαν κε σσκέπαγμαν τι  
πσαθι κε ισχυιασαν.

Ο αγόνας εναντίον σα-  
βρετίτελια κε σορόστιας.

2. Τζιπ πιχτον τραμπόφχα κι  
γίνετε.

3. Γ επιφάνια τι παρνικι κε τι  
γριατι πρεπ ναρδέφχετε ισόμετρα  
ανάμεσα απο ζίταν ντο εσσ μι-  
κρα τριπία.

1. Ντο εξεστάθεν ασον ίλεν τιν  
ρασάταν κι γίνετε ναρδέβομε.

2. Ισόμετρα πρεπ ναρδέφχυνταν  
τα παρνίγια κε τα γριάτχας.

3. Ονταν θα γίνταν ενιαζματικα  
αρδέματα πρεπ αφστια να κρα-  
τίυνταν τα νόρμας ντο ιποδικ τα-  
γροτεχνικον το προσοπικον.

4. Πρεπ να στοσεβόμε όστε να  
μι γλίσσετε κε να μι τζυμοριά-  
ετε ι ρασάτα με τα σσκεπάζματα.

5. Σα ζεστα τα όρας τιμέρας  
πρεπ ιποχρεοτικα να ισχυιάετε ι  
ρασά α.

6. Ιποχρεοτικα πρεπ να ισχυιά-  
ετε ι ρασάτα πριν ασάρδεμαν τι-  
μέρας.

7. Σο πρότον τιμπσον το διάστι-  
μαν τι πεσλαεματι τι ρασάτας,  
ιποχρεοτικα πρεπ να σσκεπώνταν  
τα παρνίγια με σσκεπάζματα.

1. Ονταν φένετε ι αρόστια, κι  
πρεπ ναφίνομε να ταυτέφχετε,  
αλα αμέσος να πέρομε μέτρα να  
πολεμύματο.



2. Οταν θα γίνετε ι διάλιξι πρεπ αφστια να κρατιούνταν τα νόρμας ντο υποδικ ταγροτεχνικον σο προ-σοπικον.

3. Ισόμετρα να τζανιούνταν τα παρνίγια κε να βάλκουνταν τα δο-λόματα.

4. Ισόμετρα να διακλίετε ι διά-λιξι ασα φιλόπα με σινιθιζμένον νερον.

5. Κι γίνετε να τζαντιετε ι ρα-σάτα ντο εν ζεσταμένον ασον ίλεν.

Το τζάνιγμαν τρα-σάτας με θρεφτικον α-νακάτομαν.

1. Το τζάντιγμαν πρεπ να γί-νετε σε ισόμετρον κατ, πάχος 1-2 σαντίμετρα.

2. Ιστερα ασο τζάντιγμαν υπο-χρεοτικα πρεπ να γίνετε άρδε-μαν.

Το τσακέλιμαν τι ρα-σάτας.

1. Πριν ασο τσακέλιζμαν πρεπ να αρδέφκετε πόλικα ι ρασάτα.

2. Ολια τα αγροχόρταρα πρεπ να καταστρέφκουνταν προσεχτικα, χο-ρις να θλάφκετε ι ρασάτα.

3. Οταν περα κανις απο άρο-στον ρασάταν σε σαγλαμ; πρεπ υποχρεοτικα να περ προφιλαχτικα μέτρα ( να πλιν τα εσέρια κε το ινθενταρ με διάλιξιν μέτνι κυπο-ρος κε άλα διάλιξια).



Τάχπαμαν τι ρασάτās.

4. Ονταν γίνετε το τσακέλιγμαν πρεπ υποχρεοτικά να αρεύετε το πικνον ι ρασάτα.

1. Ι ρασάτα κι πρεπ να χπάετε σσεροβολέας (πολα φιτανόπα εντάμαν). Τα φιτάνια κι πρεπ να ιντζιτέφκυνταν.

2. Πριν ασάχπαμαν πρεπ να ρδέφκετε πόλικα ι ρασάτα με σινιθιζμένον νερον.

3. Ιστερα ασάχπαμαν πρεπ υποχρεοτικά να ρδέφκυν κε να τζαντίουν τα παρνίλια κε τα γριάτκας.



ΤΑ ΠΑΡΑΔΙΓΜΑΤΙΚΑ ΝΟΡΜΑΣ ΤΙ ΒΙΡΑΠΟΤΚΑΣ ΚΕ  
I ΕΧΤΙΜΙΣΙΑΤΥΝ ΣΕ ΕΡΓΑΤΟΙΜΕΡΑΣ

№№ με τι ζιραν	ΟΝΟΜΑΣΙΑ ΤΙ ΔΥΛΙΑΣ	Νόρμα τι βιρα- ποτκας	Για να εχτελίστε ι νόρμα χριάσκυνταν					I κατιγο- ρία τι δυλίας	I εχτίμιςι τι νόρμας σε εργα- τοιμέρες
			Ελχτικον δίνομα	Κολχόζνικι	Α γ ο ρ				
					Γ ι ν ε ρ	Α ν ι λ ι κ ι			
1	Το λάλεμαν τι χοματι γιαρχσάντν. βάθ.20σαντ.	0,75 εχτ.	2	2	1	—	1	μεζέον λαφρον	1 0,75
2	Περεκόπια με τιφτιαρ 20-23 σαντ.	250 τετ.μ	—	1	1	—	—	βαριν	1,25
3	Κυβάλεμαν τανακατο- ματι τι παρνικι (φόρ- τομαν, κοβάλεμαν, κσε- φόρτομαν, στίδαζμαν)	4 κιθ. μ.	2	2	2	—	—	„	1,25
4	Κεβάλεμαν τι κσιλι για το χάσσεμν	4 κιθ. μ.	2	1	1	—	—	„	1,25
5	Χάσσεμαν τανακατο- ματι τι παρνικι	6 κιθ. μ.	—	2	2	—	—	ιδικεβμεν.	1, 5
6	Ετίμαζμαν τανακατο- ματι τι παρνικι κε τζαντιζμαναθε	4 κιθ. μ.	—	1	1	—	—	μεζέον	1
7	Φορμόφκα κε χόρι- ζμαν τι γριατίον	50 τετ. μ.	—	1	1	—	—	βαριν	1,25
8	Κεμπρελέεμανκε ενία- ζμαν πριν τι σπορας	100τ. μ.	—	2	1	1	—	„	1,25
9	Σπίρσιμον τι σπορίον	500 τ. μ.	—	1	1	—	—	ιδικεβμεν.	1, 5
10	Ζατέλκα τι σπορι κε άρδεμαν	100 τ. μ.	—	1	1	—	—	μεζέον	1
11	Καθιμερνον άρδεμαν, ίςςκιαζμαν κε γιάτρεμα	200 τ. μ.	—	2	—	2	—	„	1
12	Τσακέλιζμαν τι ρασά- τας α) σα πραπάρανι	15 τετ. μ.	—	1	—	1	—	„	1
	γριατάς β) σα όχι „ „	75 „ „	—	1	—	1	—	„	1
13	Δχπαμαν τι ρασάτας	18 χιλ. χ.	—	1	—	1	—	„	1



## ΠΡΙΑΖΖΕΝΙΑ 5-ΟΝ

### ΠΡΟΣΑΝΑΤΟΛΙΣΤΙΚΟΝ (ΟΡΙΕΝΤΙΡΟΒΟΤΖΝΙ) ΛΟΓΑΡΙΑΖΜΟΣ

για τα ματεριάλια κε το ινβενταρ ντο χριάσκουνταν για την απαρύτοβανιαν τι ρασάτνι τι νικοχιρι απαν τον λογαριαζμον 100 εχτ φίτεμαν κάπνυ.

- 1) Καπνόςπορα (με ζαπας) αποκλιστικα ασο Γιτ. . . . 10 κιλ
- 2) Εχταςι (αφκα σα ράμας) . . . . . 1260 τετρ μετ.
- 3) Εχταςι (για τανιχτα τα παρνίκια) . . . . 3150 " " "
- 4) Κεμπρεν (χυσεκ) . . . . . 135 κιβ " "
- 5) Χόμαν (ορμανι-λαφρον) . . . . . 133 " "
- 6) Κυμ (πσιλόν, ποταμι) . . . . . 133 " "
- 7) Κσίλα (για να χασσέφκετε το μίγμαν τι παρνικι) 120 " "
- 8) Σουπερφοςφατ για ένιαζμαν (για να κσιέτε τρία φορ.) 134 κιλ.
- 9) Σερνοκίελι αμόνιον . . . . . 134 " "
- 10) Μέτνι κυπαρος . . . . . 50 " "
- 11) Κιουκιωρτ (θιάφι—σέρα) . . . . . 80 " "
- 12) Παρισινον πρασινάδαν (πχρίζζκαγια ζέλεν) . . 5 " "
- 13) Σιταράλεβρον (για να ανακατόνε σο παρισινον την πρασι-  
ναδαν) . . . . . 25 " "
- 14) Κιριατσ (για να γίνετε Πορτόςκι ζζίτκοστ) . . . 50 " "
- 15) Τύβλας (κιρπίτζια) απο 150 κομάτια σα 4 πέτζκυς 600 κομ.
- 16) Σίδερον οσέδι για 4 πέτζκυς απο 8 κομάτια . 160 " "
- 17) Σίδερον πολόσοδι για 4 πέτζκυς απο 2 κομάτια 54 " "
- 18) Κοσσκίνια για να κοσσκινίετε το χυσεκ . . . . 4 " "
- 19) Νασίλκας για να κοβαλίετε το μίγμαν τι παρνικι 6 " "



20) Ιφτιόρια παιπόρι . . . . .	5	»
21) „ „ εστίκτοβι . . . . .	20	»
22) Τσακέλια . . . . .	25	κομ.
23) Γράπλιας σιδερένια με αρεα δόντια . . . . .	9	»
24) „ „ με πιχτα δόντια . . . . .	6	»
25) Βέτρα για το κοβόλεμαν τι νερο . . . . .	20	»
26) Πολιδάλλκας . . . . .	25	»
27) Πιχτα σίτας για τα παλιβάλλκας . . . . .	25	»
28) Αρεα „ „ „ „ „ . . . . .	25	»
29) Πσαθία για τα παρνίκια . . . . .	700	»
30) Περερέζια 30 βετρον . . . . .	8	»
31) Τυλόμπκας . . . . .	1	»
32) Σεσανγ για τιν τυλόμπκων 10 μετρον . . . . .	1	»
33) Κσιλένια θέτρια (για τιν διάλιζιν τι κυποροσι) . . . . .	3	»
34) Θερμόμετρο . . . . .	4	»
35) Μιχανιν για το τζάντιγμαν τι κυορκιστι . . . . .	1	»
39) Οπρίσκιθα τελ . . . . .	1	»
37) Ζζαρόβνιας . . . . .	16	»
38) Ράμκας τζαμλία 2 μ X 1 μ (30%) . . . . .	450	»
39) Γιάσσικα για τιν ρασάταν . . . . .	6	»

ΤΟ ΚΡΑΙΚΟΛΧΟΖΤΑΠΑΚΣΟΓΙΥΖ



## ΠΡΙΑΖΖΕΝΙΑ 6-ΟΝ

### ΟΔΙΓΙΑ ΓΙΑ ΤΑΧΠΑΜΑΝ ΚΕ ΤΙΝ ΥΠΑΚΟΦΚΑΝ ΤΙ ΡΑΣΑΤΑΣ

1. Ι ρασάτα ντο διαλέχκετε κιαχπάετε ασα παρνίγια κι ασα γριάτκας κι πρεπ πολα να κρατίετε σα ρσέρια, αλα πρεπ να στιβάετε σιν ισκιαν, σε νεμλιαεμένα μέρια.

2. Πριν ασάχπαμαν πρεπ πόλικα να ρδέφκετε ισόμετρα ι ρασάτα με σινιθιζμένον νερον.

3. Κι πρεπ ναχπάετε ρασάταν ντο εσσ ολοφάνερα σιμιά αρόστιας (πας, πένκια, μάθριζμαν τι κυντσι κιλ.), ρασάταν μαρεμένον κε παραζεσταμένον ασον ίλεν. Δσόλεν ο καλίον ο κερων για τάχπαμαν τι ρασάτα εν το προι κε το θράδι, γιάχου το λιβομένον ο κερων.

4. Κι πρέπι ι ρασάτα ντεχπάεν να φιλάετε πολα κερων ιγρον. Ι ρασάτα πρεπ ναχπάετε, ονταν τα φιλόπα κσερένταν ίστερα ασο άρδεμαν ντο γίνετε πριν ασάχπαμαν.

5. Κι γίνετε ναχπάετε ι ρασάτα ρσεροβολέας — ρσεροβολέας κε να θλάφκυνταν τα φυτα.

6. Ι τάρα ντο εν προορζμένον για τιν υπακόφκαν πρεπ απενορις να γίνετε τιζενφέκ ιαν (με διάλισιν μέτνι κυπορος κε άλα), να βρέσσετε με νερον κε ο κόλοσαθε να εν ρσκεπαζμένον με ταζέον χορταρ, γιάχου με άλο ιγρον με τεριαλ.

7. Ι ρασάτα κι πρεπ να στιβάετε παραπαν απο 50 ραντίμετρα ρο πσίλος κε κι πρεπ πολα να πατίετε αποπαν ι ρασάτα ντο εστιβάεν.

8. Ι ρασάτα ντο στιβάετε ρέναν γιάχου ράλο τιν τάραν, πρεπ ασόλα τα μερόδες να ρσκεπάετε με ιγρον ματεραλ, για να προφιλάετε ασι ίλιονος τι ρέστιν ρσον κερων τι κοβαλεματι υς το φίεμαν κε τον κερων τι φυτεματι.



9. Τα ριζόπα τι ρασάτας κι πρεπ να κρύγνε σε τυβάρια τι τάρας. Κε να αποφέβομε ατο το καχον, πρέπ να ετιβάζομε τι ρασάταν με τα ριζόπα ασαπες το μέρος κε τα φιλόπα σε τυβάρια κιαν.

10. Ι ρασάτα ντο εγέντον υπαχόφχαν πρεπ αμέσος να κυθαλίετε κε να μι απομένε πολα κερον σε ρασάτικον.

11. Ιστερα ασάχπαμαν εν υποχρεοτικον να γίνετε τζάντιγμαν κε άρδεμαν τι παρνικίον.

12. Ονταν φέρχετε ι ρασάτα σε μέρος όπου θα φιτέφχετε, πρεπ υποχρεοτικα να βάλχετε σε λεγνον γατ απαν σε ιγρον κρίον μέρος ντο εν υπερασπιγμένον ασον αέραν.



ΑΚΑΔΗΜΙΑ





AKAINTHIA

AKAINTHIA





ΑΚΑΔΗΜΙΑ

ΝΑΥΠΛΙΟΝ



**ТІМІ 20 КАРТКА,**

**Цена 20 коп.**



АКАДЕМІЯ